

梅村集卷第五

七言古詩二

東萊行

爲姜如農如須兄弟作也

漢皇策士天人畢二月東巡臨碣石獻賦凌雲魯
兩生家近蓬萊看日出仲孺召入明光宮補過拾
遺稱侍中叔子輜軒四方使一門二妙傾山東同
時里人官侍從左徒宋玉君王重就中最數司
空賢三十孤卿需大用君家兄弟俱承恩感時危
涕長安門侍中叩閣數彊諫上書對仗彈平津天

梅村集五

七言古詩

顏不憚要人怨衛尉捉頭摔下殿中旨傳呼赤棒
來血裏朝衫路人看愛弟棄官相追從避兵盡室
來江東本爲逐臣溝壑裏却因奉母亂離中三年
流落江湖夢茂陵荒草西風慟頭顱雖在故人憐
髀肉猶爲舊君痛我來扶杖過山頭把酒論文遇
子由異地客愁君更遠中原同調幾人留司空平
昔耽佳句千首詩成罷官去戰鼓東來白骨寒二
勞山月魂何處左氏勳名照汗青過江忠孝數中
丞孺卿也向龍沙死柴市何人哭子卿只君兄弟



10246

天涯客漂零尚是烟霜隔思歸詩寄廣陵潮憶弟
書來虎丘石回首風塵涕淚流故鄉蕭瑟海天秋
田橫島在魚龍冷藥大城荒草木愁當日竹宮從
萬騎祀日歌風何意氣斷碑年月記乾封柏梁侍
從誰承制魯連蹈海非求名鳴夷一舸寧逃生丈
夫淪落有時命豈復悠悠行路心我亦滄浪釣船
繫明日隨君買山住

鴛湖曲

鴛鴦湖畔草枯天二月春深好放船柳葉亂飄千

梅村集五

七言古詩

尺雨桃花斜帶一溪烟烟雨迷離不知處舊堤却
認門前樹樹上流鶯三兩聲十年此地扁舟住主
人愛客錦筵開水閣風吹笑語來畫鼓隊催桃葉
伎玉簫聲出柘枝臺輕靴窄袖嬌粧束脆管繁絃
競追逐雲鬢子弟按霓裳雪面叅軍舞鸚鵡酒盡
移船曲榭西滿湖燈火醉人歸朝來別奏新翻曲
更出紅粧向柳堤歡樂朝朝兼暮暮七貴三公何
足數十幅蒲帆幾尺風吹君直上長安路長安富
貴玉驄嬌侍女薰香護早朝分付南湖舊花柳好

留烟月伴歸橈那知轉眼浮生夢蕭蕭日影悲風
動中散彈琴竟未終山公啓事成何用東市朝衣
一旦休北邙坏土亦難留白楊尚作他人樹紅粉
知非舊日樓烽火名園竄狐兔画閣偷窺老兵怒
寧使當時沒縣官不堪朝市都非故我來倚棹向
湖邊烟雨臺空倍惘然芳草乍疑歌扇綠落英錯
認舞衣鮮人生苦樂皆陳迹年去年來堪痛惜聞
笛休嗟石季倫銜杯且效陶彭澤君不見白浪掀
天一葉危收竿還怕轉船遲世人無限風波苦輪

梅村集五

七言古詩
三

與江湖釣叟知

項黃中家觀萬歲通天法帖

王氏勳名自始興後人書法擅精能江東將相傳
家在翰墨風流天下稱前有瑯琊今樵李項氏由
來堪竝美襄毅旂常戰伐高墨林書画聲名起當
時海內號收藏秘閣圖書玉軸裝近代丹青推董
巨名家毫素重鍾王鍾王妙蹟流傳舊貞觀在御
窮搜購盡隨萬乘入昭陵人間一字無遺漏碑石
猶存腕鋒出風摧雨剝苔文脫棗木鐫來波磔非

戲麻榻就戈鉞失君家此書何處傳云是萬歲通
天年則天酷嗜二王法詔求手迹千金懸從官方
慶拜表進臣祖義獻與僧虔生平行草數十紙龍
蛇盤蹙開天顏賜官五階帛百疋仍勅能手雙鉤
填裝成用寶進御府不知何事流入間我思義之
負遠略北伐貽書料強弱惜哉徒令書畫傳誓墓
功名氣蕭索江東無事富山水興來灑筆臨池樂
足知文采賴昇平父子優游擅家學只今海內無
高門稽山越水烽烟作春風掛席由拳城夜雨君
齋話疇昨嗚呼吾友雅州公舒毫落紙前人同一
官烏撒沒坏土萬卷青箱付朔風少伯湖頭鼙鼓
動尚書第內烟塵空可憐累代圖書盡斷楮殘編
墨林印此卷仍逃劫火中老眼縱橫看筆陣君真
襄毅之子孫相逢意氣何相親卽看書画與金石
訪求不屑辭家貧嗟乎世間奇物戀故主留取縹
緗傲絕倫

送徐次桓歸胥江草堂

春來放檝鸞湖游杉青插畔登高樓褻裘徐郎最

梅村集五

七言古詩
四

年少坐中搖筆烟霞收裝隨到我海濱去雞黍流
連別何遽云過胥江舊草堂乃父淒涼讀書處滄
山突兀枕江濱伍相祠荒對夕曛我是故人同季
子十年相識憶徐君只今孺子飄零客蘆中窮士
無人識掛劍雖存舊業非吹簫未遇吾徒惜歸去
還登漁父船南枝越鳥竟誰憐投金瀨在王孫泣
白馬江聲遶舍邊

畫蘭曲

畫蘭女子年十五生小琵琶怨春雨記得粧成一

梅村集五

七言古詩
五

見時手撥簾帷便爾汝蜀紙當窓寫晚蘭口脂香
動入毫端腕輕染黛添芽易釧重舒衫放葉難似
能不能得花意花亦如人吐猶未珍惜沉吟取格
時看人只道儂家媚橫披側出影重重取次腰肢
向昔同昨日一枝芳砌上折來雙鬢鏡臺中玉指
纔停弄絃索漫攏輕調似花弱殷勤彈到別離聲
雨雨風風聽花落花落亭臯白露薄舊根易土護
新寒可憐明月河邊種移入東風碧玉欄聞道羅
幃怨離索麝媒鵝絹閒嘗作又云憔悴非昔時筆

牀翡翠多零落今年掛楫洞庭舟柳暗桑濃菴綺
樓度曲佳人遮鈿扇知書侍女下瓊鉤主人邀我
圖山色宣索傳來画蘭筆輕移牙尺見勻牋側偃
銀毫憐吮墨席上回眸惜雁箏醉中適口認魚羹
茶香黯淡知吾性車馬雍容是故情常時對面憂
吾瘦淺立斜窺訝依舊好將獨語過黃昏誰堪幽
夢牽羅袖歸來開篋簡啼痕腸斷生綃點染真何
似杜陵春襖飲樂游原上采蘭人

送杜公發武歸浦口

梅村集五

七言古詩
六

將軍威名著關隴紫面虬髯鋒骨竦西州名士重
人豪北地高門推將種起家二十便登壇氣壓三
河震百蠻夜半旌旗度青海雪中笳鼓動蕭關當
時海內稱劉杜死事忠勳君叔父黃砂磧上起豐
碑李氏功名何足數君爲猶子有家風都護防秋
杖節同白帝傳烽移劍外黃巾聞警出榆中功敗
垂成謀不用十年心力堪悲痛只今天地滿風塵
餘生淪落江南夢江南烟雨長菰蒲蟹舍魚莊家
有無醉裏放歌衰髮短狂來搖筆壯心蘇自言少

年好詩酒學佛求仙徧師友牀頭真訣幸猶在肘
後陰符復何有嗟余憔悴卧江潭騎省哀傷初未
久君來一見卽卽論文謂結婚姻商不朽蹉跎此意
轉成空自恨愆期負若翁非是雋君辭霍氏終然
丁橡感曹公此後相逢輒悲歎秦關何處鄉書斷
苦憶江南欲住難羈縲老病無人看三經出塞五
專征一卷詩書記姓名奴僕旌旄多甲第親朋兵
火剩浮生重向天涯與我別憑欄把酒添淒咽烟
水蘆花一雁飛回頭却望江南月

蘆洲行

梅村集五

七言古詩
七

江岸蘆洲不知里積浪吹沙長灘起云是徐常舊
賜莊百戰勳名照江水祿給朝家禮數優子孫萬
石未云酬西山詔許開煤冶南國恩從賜荻洲江
水東流自朝暮蘆花瑟瑟西風渡金戈鐵馬過江
來朱門大第誰能顧惜薪司按先朝冊勳產蘆洲
追籽粒已共田園沒縣官仍收子弟徵租入我家
海畔老田荒亦長蘆根豈賜莊州縣逢迎多妄報
排年賠累是重糧丈量親下稱蘆政鞭笞需索輕

人命胥吏交關橫派征差官恐喝難供應江南尺
土有人耕踏勘終無豪占情徒起再科民力盡却
虧全課國租輕

積年升科老田本漕白重課指爲無糧侵占故有重糧再科後重糧

去而定爲蘆課視原額反少減矣甚言害民而又損國其無益如此

詔書昨下知民

病解頭使用今朝定早破城中數百家蘆田白售
無人問休嗟百姓困誅求憔悴今看舊五侯只好
負薪煨馬矢敢誰伐荻上漁舟君不見舊洲已沒
新洲出黃蘆收盡江湖白萬束千車運入城草場
馬廄如山積樵蘇猶向鍾山去軍中日日燒陵樹

梅村集五

七言古詩
八

捉船行

官差捉船爲載兵大船買脫中船行中船蘆港且
潛避小船無知唱歌去郡符昨下吏如虎快槩追
風搖惡櫓村人露肘捉頭來背似土牛耐鞭苦苦
辭船小要用爭執洶洶路人擁前頭船見不敢
行曉事篙師斂錢送船戶家家壞十千官司查點
候如年發回仍索常行費另派門攤云雇船君不
見官舫鬼戕無用處打鼓插旗馬頭住

馬草行

秣陵鐵騎秋風早廐將圍人索芻藁當時積北起
蒲梢今日江南輸馬草府帖傳呼點行速買草先
差人打束香芻堪秣飽驕驪不數西涼誇首藉京
營將士導行錢解戶公攤數十千長官除頭吏乾
沒自將私價僦車船苦差常例須應免需索停留
終不遣百里曾行幾日程十家早破中人產半路
移文稱不用歸來符取重裝送推車挽上秦淮橋
道遇將軍紫駟鞚轅門芻豆高如山長衫沒髀看
奚官黃金絡頸馬肥死忍令百姓愁饑寒回首當
年開僕監龍媒烙字麒麟院天閑轡逸起黃沙游
牝三千滿行殿蔣山南望獵痕燒放牧秋原見射
鵬寧莖雕胡供伏櫪不堪極目草蕭蕭

題志衍所畫山水

畫君故園之書屋午榻茶烟蒔花竹著我溪邊岸
葛巾十年笑語連床宿畫君蜀道之艱難去家萬
里誰能還戎馬千山西望哭杜鵑落月青楓寒今
之此圖何者是黯澹蒼茫惟一紙想像雲山變滅
中其人與筆寧生死我思此道開榛蕪東南画脈

多蕭疎君嘗展卷向予說得及荆關老輩無巫山
巫峽好粉本一官大笑誇吾徒此行歸來掃素壁
捫腹滿貯青城圖只今猶是江南樹憶得當時送
行處楊柳青青葭菼邊雙槩搖君此中去

題蘇門高士圖贈孫徵君鍾元

容城人
孝廉

蘇門山水天下殊中有一人清且癯龐眉扶杖白
髭鬚鶻冠野服談詩書定州城北滌水瀦白沙村
畔爲吾廬少年蹠蹶千金絢獻策天子來皇都
腰鞬三矢玉鹿盧幽州臺上爲歡娛日暮酒酣登

梅村集五

七言古詩
十

徐無顧視同輩誰能如十人五人居要樞拖金橫
玉當朝趨今我不第胡爲乎有田一廛書百厨雞
泉馬水吾歸歟七徵不起乘柴車當時猶是昇平
餘一朝鐵騎城南呼長刀斫背將人驅里中大姓
高門間鞭笞不得留須臾叩頭莫敢爭高腴乞爲
佃隸租請輸牽翁擔子立兩衢問言不荅但欲歔
先生閉門出無驢僵卧一榻絕朝餽弟子二人舁
籃輿百門書院今空虛此中間是孫登居太行秀
色何盤紆橙楠榛栗松杉儲風從中來十萬株嘯

臺遺址烟霞俱流泉百道穿堦除幅巾短髮不用
梳彈琴橫卷心安舒微言妙旨如貫珠考鐘擊磬
吹笙竽古文屋壁闢禹謨異人手授先天圖談仁
講義追堯夫後來姚許開榛蕪斯文不墜須吾徒
誰傳此圖來江湖使我一見心踟躕卽今絕學誰
能扶屈指耆舊堪嗟吁蘇門山下有碩儒中原學
者多沾濡百年文獻其存諸我往從之歌黃虞

壽總憲龔公芝麓

丈夫四十致卿相努力公孤方少壯握手開尊話

梅村集五

七言古詩
十一

疇昔故人一見稱無恙當初海內苦風塵解褐才
名便絕倫官守斬春家近楚賊窺江夏路通秦書
生年少非輕敵環甲開門便迎擊詩成橫槊指黃
巾戰定磨崖看赤壁我同宋玉適來游多士名賢
共校讐此地異才爲亂出論文高話鎖廳秋別後
相思隔江水黑山鐵騎如風雨聞道黃州數被兵
讀書長嘯重圍裏荏苒分飛十八年我甘衰白老
江邊那知風雪嚴城鼓重謁三公祭戟前卽君致
身已鼎足正色趨朝勤補牘異書捫腹五千卷美

酒開顏三百斛月明歌舞出簾櫳刻燭分題揮灑
中談笑阮生青眼客文章王椽黑頭公却思少小
經離亂銅駝荆棘尋常見側身天地竟何心過眼
風光有誰羨楚水吳山思不禁朝衫欲脫主恩
深待看賀監歸來歲勾漏丹砂本易尋

王郎曲

王郎十五吳趨坊覆額青絲白誓長孝穆園亭常
置酒風流前輩醉人狂同伴李生柘枝鼓結束新
翻善財舞鎖骨觀音變現身反腰貼地蓮花吐蓮

梅村集五

七言古詩
十一

花婀娜不禁風一斛珠傾宛轉中此際可憐明月
夜此時脆管出簾櫳王郎水調歌緩緩新鶯嘹啞
花枝暖慣拋斜袖卸長肩眼看欲化愁應懶摧藏
掩抑未分明拍數移來發曼聲最是轉喉偷入破
帶人腸斷臉波橫十年芳草長洲綠主人池館惟
喬木王郎三十長安城老大傷心故園曲誰知顏
色更美好瞳神剪水清如玉五陵俠少豪華子甘
心欲爲王郎死寧失尚書期恐見王郎遲寧犯金
吾夜難得王郎暇坐中莫禁狂呼客王郎一聲聲

頓息移牀欹坐看王郎都似與郎不相識往昔京師推小宋外戚田家舊供奉只今重聽王郎歌不須再把昭文痛時世工彈白翎雀婆羅門舞龜茲樂梨園子弟愛傳頭請事王郎教弦索耻向王門作伎兒博徒酒伴貪歡謔君不見康崑崙黃幡綽承恩白首華清閣古來絕藝當通都盛名肯放優

閒多王郎王郎可奈何

王郎名稜字紫稼於勿齋徐先生二株園中見之髻

而哲明慧善歌今秋遇于京師相去已十六七載風流儂巧猶承平時故習酒酣一出其伎坐上爲之傾靡余此曲成合肥龔公芝麓口占贈之曰薊苑霜高舞柝枝當年楊柳尚如絲酒闌却唱梅村

梅村集五

七言古詩十三

曲腸斷王郎十五時

楚兩生行

并序

蔡州蘇崑生維揚柳敬亭其地皆楚分也而又客於楚左寧南駐武昌柳以談蘇以歌爲幸舍重客寧南沒於九江舟中百萬衆皆奔潰柳已先期東下蘇生痛哭削髮入九華山久之出從武林汪然明然明亡之吳中吳中以善歌名海內然不過擘緩柔曼爲新聲蘇生則於陰陽抗墜分判比

度如崑刀之切玉叩之栗然非時世所爲
工也嘗遇虎丘廣場大集生睨其旁笑曰
某郎以某字不合律有識之者曰彼儉楚
乃竊言是非思有以挫之間請一發聲不
覺屈服顧少年耳剽日久終不肖輕自貶
下就蘇生問所長生亦落落難合到海濱
寓吾里蕭寺風雪中以余與柳生有雅故
爲立小傳援之以請曰吾浪跡三十年爲
通侯所知今失路憔悴而來過此惟願公
一言與柳生並傳足矣柳生近客於雲間
帥識其必敗苦無以自脫浮湛敖弄在軍
政一無所關其禍也幸以免蘇生將渡江
余作楚兩生行送之以之寓柳生俾知余
與蘇生游且爲柳生危之也

黃鵠磯頭楚兩生征南上客擅縱橫將軍已沒時
世換絕調空隨流水聲一生拄頰高談妙君卿唇
舌淳于笑痛哭長因感舊恩詠嘲尚足陪年少途
窮重走伏波軍短衣縛袴非吾好抵掌聊分幕府

金襍裳自把江村釣一生嚼徵與含商笑殺江南
古調亡洗出元音傾老輩疊成妍唱待君王一絲
縈曳珠盤轉半黍分明玉尺量最是大堤西去曲
累人腸斷杜當陽憶昔將軍正全盛江樓高會誇
名勝生來索酒便長歌中天明月軍聲靜將軍聽
罷據胡牀撫髀百戰今衰病一朝身死豈降旂貌
猶散盡無橫陣祗連高塚泣西風射堂賓客嗟蓬
鬢羈棲孤館伴斜曛野哭天邊幾處聞草滿獨尋
江令宅花開開惡杜秋墮鵲絃屢換尊前舞鼉鼓
誰開江上軍楚客祗鱗歸未得吳兒肯道不如君
我念邗江頭白叟滑稽幸免君知否失路徒貽妻
子憂脫身莫落諸侯手坎壈繇來爲盛名見君寥
落思君友老去年來消息稀寄爾新詩同一首隱
語藏名代客嘲姑蘇臺畔東風柳

茸城行

朝出胥門塘暮泊佘山麓旁帶三江襟扈瀆五茸
城是何王築泖塔霜高稻葉黃澱湖雨過蓴絲綠
百年以來誇勝事丹青圖卷高珠玉學士揮毫清

秘樓徵君隱几逍遙谷前輩風流書畫傳後生賢
達聲華續給事才名矯若龍山公人地清如鵠汗
簡銷沉又幾秋滄江屢建高牙纛不知何處一將
軍到日雄豪炙手薰羊侃後房歌按隊陳稀賓客
劍成羣刻金爲漏三更箭錯寶施牀五色文異物
江淮嘗月進新聲京雒自天聞承恩累賜華林宴
歸鎮高談橫海勳未見尺書收草澤徒誇名字得
風雲此地江湖綰鎖鑰家擅陶朱戶程卓千箱布
帛運輶車百貨魚鹽充邸閣將軍一一數高貲下

梅村集五

七言古詩
十六

令搜牢徧墟落非爲仇家告併兼卽稱盜賊通囊
橐望屋遙窺室內藏算緡似責從前諾敢信黔婁
脫網羅早看倚頓填溝壑窟室飛觴傳箭催博場
戲責橫刀索縱有名豪解折行可堪小戶勝狂藥
將軍沉湎不知止箕踞當筵任頤指拔劍公收伍
伯妻鳴髀射殺良家子江表爭猜張敬兒軍中思
縛盧從史枉破城南十萬家養士何無一人死貪
財好色英雄事若輩屠沽安足齒君不見夫差獵
騎何翩翩五茸春草城南天雉媒飛起發雙矢西

施笑落珊瑚鞭湖山足紀當時勝歌舞猶爲後代
傳陸生文士能爲將勳名三世才難量河橋雖敗
事無成睥睨千秋肯誰讓代有文章占數公烟霞
好處偏神王兵火燒殘萬卷空大節英聲未凋喪
一朝遠落老兵手百里溪山復何有已見衣冠拜
健兒苦無丘壑安窮叟茸城楊柳鬱婆娑欲繫扁
舟奈晚何盤龍浦上行人少唳鶴灘頭戰艦多我
望巖城聽街鼓鱸魚沽酒扣舷歌側身回視忽長
笑此亦當今馬伏波

梅村集五

七言古詩
十七

贈吳錦雯兼示同社諸子

吾家季重才翩翩身長七尺虬鬚髯投我新詩百
餘軸滿牀絹素生雲烟自言里中有三陸長衫拂
髀矜豪賢弟先兄舉致身早我亦挾策遊長安其
餘諸子俱嶽嶽感時上策愁祗連會飲痛哭岳祠
下聞者大笑驚狂顛臯亭山頭金鼓震萬騎蹴踏
東南天貽書訣別士龍死嗚呼吾友非高官餘或
脫身棄妻子西興潮落無歸船我因老親守窮巷
買山未得囊無錢息心掩關謝時輩五年不到西

溪邊比因訪客過山寺故人文酒相盤桓手君詩
篇令我讀使我磊落開心顏豈甘不死愧良友欲
使奇字留人間跳刀拍張雖將相有書一卷吾徒
傳吾聞其語重歎息平生故舊空茫然不信扁舟
偶乘興丁儀吳質追隨歡酒酣對客作長句十紙
謾謾松風寒後來此會良不易况今海內多艱難
安得與君結廬住南山著述北山眠

蕭史青門曲

蕭史青門望明月碧鸞尾掃銀河濶好時池臺白

梅村集五

七言古詩
十八

草荒扶風邸舍黃塵沒當年故后婕妤家槐市無
人噪晚鴉却憶沁園公主第春鶯啼殺上陽花鳴
呼 先皇寡兄弟天家貴主稱同氣奉車都尉誰
最賢鞏公才地如王濟被服依然儒者風讀書妙
得公卿譽大內傾官嫁樂安 光宗少女宜加意

正值 官家從代來王姬禮數從優異先是朝廷
啓未央天人寧德降劉郎道路爭傳長公主夫婿
豪華勢莫當百兩車來填紫陌千金榼送出雕房
紅窓小院調鸚鵡翠館繁箏叫鳳皇白首傳璣阿

母飾綠鞵大袖騎奴裝灼灼天桃共穠李兩家姊
妹驕紈綺九子鸞雛鬪玉釵釵工百萬恣求取屋
裏熏爐滌若雲門前鈿轂流如水外家肺腑數尊
親 神廟榮昌主尚存話到孝純能識面抱來太
子輒呼名六宮都講家人禮四節頻加戚里恩同
謝面脂龍德殿共乘油壁月華門萬事榮華有消
歇樂安一病音容沒莞蕩桃笙朝露空溫明祕器
空堂設玉房珍玩宮中賜遺言上獻依常制却添
駙馬不勝情 至尊覽表爲流涕金冊珠衣進太

梅村集五

七言古詩
十九

妃鏡奩鈿合還夫婿此時同產更無人寧德來朝
笑語真憂及四方宵旰甚自家兄妹話艱辛明年
鐵騎燒宮闕 君后倉黃相訣絕仙人樓上看灰
飛織女橋邊聽流血慷慨難從鞏公死亂離怕與
劉郎別扶攜夫婦出兵間改朔移朝至今活粉碓
脂田縣吏收糴樓舞閣豪家奪曾見天街羨璧人
今朝破帽迎風雪賣珠易米返柴門貴主妻涼向
誰說苦憶 先皇涕淚漣長平嬌小最堪憐青萍
血碧它生果紫玉魂歸異代緣盡嘆周郎曾入選

俄驚秦女遽登仙青青寒食東風柳影義門邊冷
墓田昨夜西窓仍夢見樂安小妹重歡讌先后傳
呼喚捲簾貴妃笑折櫻桃倦玉階露冷出宮門御
溝春水流花片花落回頭往事非更殘燈炮淚沾
衣休言傅粉何平叔莫見焚香衛少見何處笙歌
臨大道誰家陵墓對斜暉只看天上瓊樓夜鳥鶻
年年它自飛

董山兒

董山兒兒生不識亂與離父言急去牽兒衣母言

梅村集五

七言古詩
二十

乞火爲兒炊作糜父母忽不見但見長風白浪高
崔嵬將軍下一令軍中那得聞兒啼樓船何高高
沙岸多崩摧榜人不能移舉手推墮之上有蒲與
萑下有濘與泥十步九倒迷東西身無袴襦足穿
痰藜叩頭指口惟言飢將船送兒去問以鄉里記
憶還依稀父兮母兮哭相認聲音雖是形骸非傷
有一老翁羨兒獨來歸不知我兒何處餵游魚或
經略賣遭鞭笞垂頭涕下何纍纍吾欲竟此曲此
曲哀且悲茫茫海內風塵飛一身不自保生兒欲

何爲君不見董山兒

七言古詩

送沈歸省太史之官大梁

雲間學士推二沈布衣石見登華省多少金闕

鑿新科各壘及聲其令書史流傳有弟兄衣白

人掖影難代才名並玉河百年銅象與金粉

若門向本能

出馬路

人

梅村集五

七言古詩
二十一



何爲君不見董山兒

梅村集卷第六

七言古詩三

送沈繹堂太史之官大梁
雲間學士推二沈布衣召見登華省多少金閨榜
墨新科名埋沒聲華冷青史流傳有弟兄衣白山
人披賜錦一代才名竝玉珂百年絹素垂金粉知
君門胄本能文易世遭逢更絕倫射策紫裘臚唱
出馬蹄不動六街塵曲江李杜無遺恨留取花枝
待後人卽今藝苑多供奉八分草隸清曹重署額

梅村集六

七言古詩

新宮十丈懸韋郎體勢看飛動其餘作者何紛紛
爭來待詔鴻都門圍棋賭墅王長史丹青畫馬曹
將軍君也讀書致上第傳家翰墨閒遊戲遊落長
空筆陣奇縱橫妙得先人意頓挫沉雄類壯夫雙
瞳剪水清癯異卧疾蕭齋好苦吟平生雅不爲身
計唯留詩句滿長安清切長宜禁近官秋雨直廬
分手處忽攜書卷看嵩山嗚呼男兒不入卽當出
生世諧爲二千石黃紙初除左馮翊腰間兩綬開
顏色君不見沈侍中圖書秘閣存家風匹夫徒步

拜侍從况今淋漓 御墨官袍紅一麾去聽梁園
鐘軒車路出繁臺東杯酒意氣何雍容簿領豈足
羞英雄安能低眉折腰事鉛槧蹉跎白首從雕蟲
宜廟時雲間有大小沈學士以布衣善書入翰林
皆著名跡大學士名度小學士名粲釋堂爲壬辰
第三人官編脩擢授大梁
道亦有書名小學士後也

通玄老人龍腹竹歌

通玄老人來何方碧驢積面拳毛蒼手披地圖向
我說指點西極天微茫視彼萬里若咫尺使我不
得悲他鄉京師公卿誰舊識與君異國同周行九

梅村集六

七言古詩
二

州喪亂朋友盡此道不絕留扶桑床頭示我龍腹
竹夜半風雨疑騰驤尾燒鱗蛇飛不得蒼皮倔強
膺微張此中空洞亦何有得無領下驪珠藏漢家
使者通大夏仍來叩蜀搜篋管更踰葱嶺訪異種
攜歸上苑棲鸞皇我欲裁之作龍笛水底老蛟吟
不得縱使長房投葛屐此龍僵卧難扶策可是天
教產竹郎八荒奇事誰能識一從海上西南來中
原篠簜多良材淇園已竭蒼生痛會稽正採征夫
哀天留異質在無用任將拋擲生塵埃若有人兮

在空谷束素娟娟不盈匊盡道腰肢瘦勝肥此君
無乃非其族雪壓霜欺直幹難輪困偃蹇忘榮辱
邴君豈出子魚下高人磊砢遭題目玉筍新抽漸
拂雲摩挲自倚東墻曲苦節長同處士飢寬心好
耐湘妃哭吁嗟乎崑崙以外流沙西當年老子驅
青犢手中竹杖插成林殺青堪寫遺經讀君不見
猶龍道德五千字要言無過寧爲腹何可一日無
此竹

送舊總憲龔孝升以上林苑監出使廣東

梅村集六

七言古詩

與君對酒庾樓月君逼干戈我離別與君藉地燕
山草君作公孤我潦倒亦知窮老應自疎識君意
氣真吾徒門前車馬多豪俊躡衣上坐容衰鬢我
持半勺君一斗我吟一篇君百首每逢高會輒盡
歡把我新詩不容口今日他鄉再送君地角天涯
復何有山川有靈交有命延津會合真難定如君
共事曹侍郎百僚彈壓風裁正握手論文海內推
交游京洛聲華盛秋風吹向越王臺後先踪跡誰
能信不見蘭臺連柏府却過劍浦來珠郡相贈雖

無陸賈金相看何必周昌印丈夫豁達開心期悠
悠世上無人知三仕三已總莫問一貴一賤將奚
爲別君勸君休失意碧水丹山暫遊戲客路扁舟
好著書故園九日堪沉醉烏相霜紅少婦樓枕柳
雨黑行人騎獨有飄零老伏生不堪衰白困將迎
祇因舊識當塗少坐使新知我輩輕花發羅浮夢
君處躑躅悲歌不能去

雁門尚書行

并序

雁門尚書行爲大司馬白谷孫公作也公

梅村集六

七言古詩
四

代州人地故雁門郡長身伉爽才武絕人
其用秦兵也將憑巖關爲持久且固將吏
心秦士大夫弗善也累檄趣之戰不得已
始出天淫雨糗糧不繼師大潰潼關陷獨
身橫刀衝賊陣以沒從騎俱散不能得其
屍公之出也自念必死顧語張夫人夫人
曰丈夫報國耳無憂我西安破率二女六
妾沉于井揮其八歲兒以去兒踰垣避賊
墮民舍中有老翁者善衣食之二年公長

子世瑞重趺入秦得夫人屍貌如生老翁
歸以弟相扶還見者泣下蓋公素有德秦
人云余門人馮君訥生公同里人作潼關
行紀其事余曾識公于朝因感賦此什公
死而天下事以去然其敗由趣戰且大雨
糧絕此固天意抑本廟謨未可專以責公
也公之叅佐惟監軍道喬公以明經奏用
能不負公潼關之破同日死名元柱定襄

馮門尚人

梅村集六

七言古詩
五

雁門尚書受專征登壇顧盼三軍驚身長八尺左
右射坐上咄吒風雲生家居絕塞愛死士一日費
盡千黃金讀書致身取將相關西鼠子方縱橫長
安城頭揮羽扇臥甲韜弓不忘戰持重能收壯士
心沉幾好待兇徒變忽傳使者上都來夜半星馳
馬流汗覆轍寧堪似往年催軍還用松山箭尚書
得詔初沉吟蹶起橫刀忽長歎我今不死非英雄
古來得失誰由算雜牛誓衆出潼關墟落蕭條轉
餉難六月炎蒸驅萬馬二嶂風雨斷千山雄心慷

慨宵飛檄殺氣憑陵老據鞍掃籜謀成頻撫劒量
沙力盡爲傳食尚書戰敗追兵急退守巖關收潰
卒此地乘高足萬全只今天險嗟何及蟻聚蜂屯
已入城持矛矚目呼狂賊馬嘶鳴失主歸橫尸
撐距無能識烏鳶啄肉北風寒寡鵠孤鸞不忍看
願逐相公忠義死一門恨血土花斑故園有子音
書絕勾注烽烟路百盤欲走雲中穿紫塞別尋奇
道訪長安長安到日添悲哽繭足荆榛見督井輓
轡繩斷野苔生幾尺枯泉浸形影永夜曾歸風露

梅村集六

七言古詩
六

清經秋不化冰霜冷二女何年駕碧鸞七姬無塚
埋紅粉複壁藏兒定有無破巢窮鳥問將雛時來
作使千兵勢運去流離六尺孤傍人指點牽衣袂
相看一慟真吾弟訣絕難爲老母心護持始識遺
民意回首潼關廢壘高知公于此葬蓬蒿沙沉白
骨魂應在雨洗金瘡恨未消渭水無情自東去殘
鴉落日藍田樹青史誰人哭薜碑赤眉銅馬知何
處嗚呼材官鐵騎看如雲不降卽走徒紛紛尚書
養士三十載一時同死何無人至今唯說喬參軍

贈馮訥生進士教授雲中

并州馮郎長吳越桐江風雪秦淮月不烹羊酪敵
萼羹肯拈蘆管吹桃葉才同顧陸與溫邢俠少風
流擅絕倫名士有誰甘作諾丈夫何必尚專城乞
得一瓊還故土欲化邊人作鄒魯余笑謂君且歸
去不信廣文今廣武絳帳懸弓設豹侯講堂割肉
摻鼙鼓擊磬新調塞上歌投壺却奏軍中舞文籍
先生上谷儒游閑公子河東賈亂定初聞闕里鐘
時清不用平城弩雁門太守解將迎馬邑名豪通

梅村集六

七言古詩
七

訓詁烏桓年少挾雕弧射得黃羊供束脯男兒作
健羞裙屐拂雲堆上吹橫笛低頭博士爲萬卷撫
掌封侯空四壁憶昔扁舟醉石頭別來幾夢南徐
客隱囊塵尾燒却盡長鋏純鈞看自惜學就吳趨
恐未工注成晉問無人識嗚呼五湖烟水憶鱸魚
落水天高好寄書塞雁不歸花又發故人消息待
何如

雕橋莊歌

并序

高邑趙忠毅公爲雕橋莊記曰吾郡梁太

宰有雕橋莊在郡西十五里大茂諸山之
東前臨滹沱西韓二水東爲大門表之曰
尚書里有樓曰蓮渚仙居有堂曰壽槐槐
可四十圍相傳數百年物太宰功成身退
徜徉于此者二十年今其孫慎可讀書其
中自號爲西韓生云此忠毅家居時所作
也公後拜吏部尚書視梁公以同郡爲後
繼竟因黨禍成代州死慎可以孝廉入中
翰余始識之知其爲趙公交尋以齟齬去

梅村

卷六

七言古詩

相別十餘年今起官水部家門蟬冕當代
莫與比焉余以其名山別墅亂後獨全高
門遺老晚節最勝雕橋盛事自太宰以來
百餘年於此矣是可歌也爲作雕橋莊歌
常山古槐千尺起雕橋西畔尚書里偃蓋青披大
茂雲扶疎響拂韓河水水部山莊遠碧渠彈琴長
嘯脩篁裏今年相見在長安據鞍却笑吾衰矣盡
道新枝任棟梁不知老幹經風雨自言年少西韓
生幽并豪俠皆知名酒酣箕踞聽鼓瑟射麋擊兔

邯鄲城天生奇質難自棄一朝折節傾公卿當時
海內推高邑趙公簡重稱相得才地能交大父行
襟期雅負名賢識公曾過我讀書處笑倚南樓指
庭樹歸田太宰昔同游廿載林泉共來去此是君
恩優老臣後來吾輩應難遇每思此語輒泫然知
已投荒絕塞天同是冢臣恩數異傷心非復定
陵年黃巾從此成貽禍青史誰來問斷編鉤黨幾
家傳舊業干戈何地着平泉我有山莊幸如故老
樹吟風自朝暮磐石寧容蟲蟻穿斧斤不受樵蘇
誤鈴索高齋擁賜書名花異果雕欄護綠萼紅蕖
水面開門前卽是鳴騶路子弟傳呼千騎歸不教
鞍馬驚鷗鷺年年細柳與新蒲糝點溪山入畫圖
四海烽烟喬木在一窓燈火故人無相逢只有江
南客頭白尊前伴老夫

海戶曲

南游子周環一百六十里有海戶千人

大紅門前逢海戶衣食年年守環堵收藁腰鎌拜
嗇夫築場貰酒從樵父不知占籍始何年家近龍
池海眼穿七十二泉長不竭御溝春暖自涓涓平

疇如掌催東作水田漠漠江南樂鴛鴦鷓鴣滿烟

汀不枉人呼飛放泊

南海子有水泉七十處元之飛放泊也

後湖相

望築三山兩地神州咫尺間

以西苑後湖名海子故此云南

遂使

相如誇陸海宵教王母笑桑田蓬萊樓閣雲霞變

瞭鷹臺上何王殿

瞭鷹臺元之仁虞院也當使大學士提調之鷹墜皆用先朝舊

壘改作

傳說新羅玉海青星眸雪爪飛如練

玉海青即白鷹

也詐馬筵開桐酒香

元有許馬宴

割鮮夜飲仁虞院二

百年來話大都平生有眼何曾見頭白經過是舊

朝春深慣鎖黃山苑叶典守唯聞中使來樵蘇輒

梅村集六七言古詩

假貧民便芳林別館百花殘廿四園中爛熳看

南

子有二十四園係明時制

記得尚方初薦品東風鈴索護雕闌

葡萄滿摘傾筠籠蘋果新嘗捧玉盤賜出宮中公

主謝分遺闕下侍臣餐一朝剪伐生荆杞五柞長

楊悵已矣野火風吹螞蟻墳

海子東南有螞蟻墳每清明日數萬皆聚

于枯楊月落蝦蟇水

玉泉一名蝦蟇泉流入海子

盡道千年苑

固非忽驚萬乘車塵起雄圖開國馬蹄勞將相風

雲劍槊高帳殿行城三十里旌旗獵獵響鳴鞘朝

鮮使者奇毛進白鷹刷羽霜天勁舊跡凌歊好放

鵬荒臺百尺登臨勝俊鶻重經此地飛黑河講武
當年盛弔古難忘百戰心掃空雉兔江山淨新豐
野老驚心目縛落編籬守麋鹿兵火摧殘淚滿衣
昇平再覩脩茅屋衰草今成御宿園豫游只少千
章木上林承尉已連催灑掃離宮補花竹人生陵
谷不須哀蘆葦陂塘雁影來君不見鄂杜西風蕭
瑟裏丹青早起濯龍臺

退谷歌

贈同年孫
公北游

我家乃在莫釐之下具區之東洞庭烟鬟七十二

梅村集六

七言古詩
十一

天際杳杳聞霜鐘豈無巢居子長嘯呼赤松後來
高臥不可得無乃此世非洪濛元氣茫茫鬼神鑿
黃虞旣沒巢由窮逆旅逢孫登自稱北海翁攜手
共上徐無峰仰天四顧指而笑此下卽是宜春宮
若教天子廣苑圍吾地應入甘泉中丈夫蹤跡
貴狡獪何必萬里游崆峒君不見抱石沈焚山死
被髮佯狂棄妻子匡廬峰成都市欲逃名姓竟誰
是少微無光客星暗四皓衣冠只如此使我山不
得高水不得深鳥不得飛魚不得沉武陵洞口聞

野哭蕭斧斫盡桃花林仙人得道古來宅劫火到處相追尋不如三輔內此地依青門非朝非市非沉淪鄠杜豈關蕭相請茂陵不厭相如貧飲君酒就君宿羨君逍遙之退谷花好須隨禁苑開泉清不讓溫湯浴中使敲門爲放鷹羽林下馬因尋鹿我生亦胡爲白頭苦碌碌送君還山識君屋庭草彷彿江南綠客心歷亂登高目噫噫乎歸哉我家乃在莫釐之下且區之東側身長望將安從

贈文園公

梅村

集六

七言古詩
十二

君家丞相人中龍屈申時會風雲空廬陵忠孝兩賢繼待詔聲名累葉同致主絲綸三月罷傳家翰墨八分工汝父翩翩相公弟詞場跌宕酣聲伎才大非關書画傳門高不屑公卿貴老向長安作布衣主知特達金門戲先帝齋居好鼓琴相如召入賜黃金大絃張悉宮聲亂識是君王宵肝心爲君旣難臣亦苦龜山東望思宗魯左徒樵悴放江潭忠愛惓惓不忘楚可惜吾家有逐臣曲終哀怨無人補欲譚治道將琴諫審音先取官商辨怡

神玉几澹無爲雲門樂作南薰殿君臣朋友盡和
平四海熙然致清晏 聖主聞聲念舊臣名家絕
藝嗟稱善歸來卧疾五湖雲垂死干戈夢故君綠
綺暗塵書卷在春令原上戴顓墳雍門歌罷平陵
曲報韓子弟幾湛族竺鳩祠堂鬼火紅閭門池館
蒼颯宿汝念先人供奉恩抱琴長向荒江哭滿目
雲山入舊圖只今無地安茅屋誰將妙蹟享千金
後人餒死空山麓與君五世通中表相國同朝悲
宿草尋山結伴筇輿游汝父平生與我好看君才
調擅丹青画舫相逢話死生君不見信國悲歌青
史裏古來猶子重家聲

画中九友歌

華亭尚書天人流墨花五色風雲浮 至尊含笑

黃金投殘膏剩馥鷓林求 玄宰 太常妙蹟兼銀鈎

樂郊擁卷高堂秋真宰欲訴窮雕搜解衣盤礴堪

忘憂 烟客 誰其匹者王廉州神姿玉樹三山頭擺

落萬象烟霞收尊彝斑剝探商周得意換却千金

裘 玄照 檀園著述誇前脩丹青餘事追營丘平生

書畫置兩舟湖山勝處供淹留長蘅阿龍北固持

雙矛披圖赤壁思曹劉酒醉灑墨橫江樓蒜山月

落空悠悠龍友姑蘇太守今僧繇問事不省張兩

眸振筆忽起風颺颺連紙十丈神明道爾唯松圓

詩老通清謳墨莊自画歸田游一犁黃海鳴春鳩

長笛倒騎烏犍牛孟陽花龕巨幅千峰稠小景點

出林塘幽晚年筆力凌滄洲幅巾鶴髮輕王侯潤

甫風流已矣吾爪疇一生迂癖爲人尤僮僕竊罵

妻孥愁瘦如黃鵠閒如鷗烟驅墨染何曾休僧彌

梅村集六七言古詩

銀泉山

銀泉山下行人稀青楓月落魚燈微道旁翁仲忽

聞語火入空墳燒寶衣五陵小兒若狐兔夜穴紅

墻縣官捕玉椀珠襦散草間云是先朝鄭妃墓

覆雨翻雲四十年專房共輦承恩顧禮數繇來母

后殊至尊錯把旁人怒承直中宮侍宴迴血裹

銀環不知數豈有言辭忤大家蛾眉薄命將身悞

宮人斜畔伯勞啼聲聲爲怨驪姬訴盡道昭儀殉

夜臺萬歲千秋共朝暮宮車一去不相隨當時枉

信南山鋼只今雲母似平生皓齒明眸向誰妬選
侍陵園亦已荒移宮事蹟更茫茫兩朝臺諫孤忠
在一月昭陽舊恨長總爲是非留信史却憐恩寵
異前王路人尚說東西李二李寢園亦在山下指點飛花入
壞墻

田家鐵獅歌

田家鐵獅屹相尙碑殘磚夷信殊狀良工朱火初
寫成四顧咨嗟覺神王先朝異物徠西極上林金
鎖攀楹出玉關罷獻馱圈空刻畫丹青似爭力武

梅村集六七言古詩

安戚里起高門欲表君恩示子孫鑿就銘詞鐫

日月天貽神獸守重閭紫令監奴睛閃爍老熊當
路將人攫不堪此子更當關鈎爪張眸吐銀罅七
寶香猊玉辟邪嬉游牽伴入侯家鬪人新進天閑
馬御賜仍名獅子花假面羗胡裝雜伎俊猊突出
拳毛異跳擲聲聲畫鼓催條支海上何繇致異材
逸獸信超羣其氣無乃如將軍將軍豈是批熊手
曠目哮呼天下聞省中忽唱田蚡死青犢明年食
龍子蝦蟇血灑上陽門三十六宮土花紫此時鐵

獅絕可憐兒童牽挽誰能前
橐駝磨肩牛礪角霜
摧雨蝕枯藤纏主人已去
朱扉改眼鼻塵沙經幾
載鎖鑰無能護北門
画图何處歸西海
吾聞滄洲
鐵獅高數丈千年猛氣難凋喪
風雷夜半戲人間
柴皇戰伐英靈壯蘆溝城雉對
西山橋上征人竟
不還枉刻蹲獅七十二
桑乾流水自潺潺
秋風吹盡連雲宅
鐵鳳銅烏飛不得
却羨如來有化城
香林獅象空王力
扶雀犂牛見太平
月支使者貢西京
并州精鐵終南冶
好鑄江山莫鑄兵

梅村集六

七言古詩
十六

題崔青蚓洗象圖

嗚呼顧陸不可作
世間景物都蕭索
雲臺冠劍半無存
維摩寺壁全凋落
開元名手空想像
昭陵御馬通泉窟
燕山崔生何好奇
書画不肯求人知
仙靈雲氣追恍惚
宓妃雜女乘龍螭
平生得意圖洗象
興來掃筆開屏障
赤鬪如披溥海裝
白牙似立舍元仗
當時駕幸承天門
鸞旗日月陳金根
雞鳴鐘動雙闕下
巋然不動如崑崙
崔生布衣懷紙筆
道衝騶哄金吾卒
仰見天街馴象來
歸去沉吟

思十日眼前突兀加摩挲非山非屋非波陀昔聞
阿難騎香象梅檀林內頻經過我之此圖無乃是
貝多羅樹金沙河十丈黃塵向天闕霜天夜踏宮
墻月芻豆支來三品料鞭梢趨就千官謁材大寧
堪世人用徒使低頭受羈紲京師風俗看洗象玉
河春水涓流潔赤脚烏蠻縛雙帶六街士女車填
咽叩鼻殷成北闕雷怒蹄捲起西山雪圖成懸在
長安市道旁觀者呼奇絕性癖難供勢要求價高
一任名豪奪十餘年來人事變碧雞金馬爭傳箭

梅村集六七言古詩
十七

越人善象教象兵扶南身毒來酣戰惜哉崔生不
復見画图未得開生面若使從軍使趙佗蒼梧城
下看如練更作昆明象戰圖止須一足驚溪絹嗟
嗟崔生餓死長安陌亂離荒草埋殘骨一生心力
付兵火此卷猶存堪愛惜君不見武宗供奉徐
髯仙豹房夜直從游吹青熊蒼兕寫奇特至尊
催賜黃金錢只今零落同雲烟古來画家致身或
將相丹青慘澹誰千年

拔劍倚柱悲無端爲君慷慨歌松山盧龍蜿蜒東
走欲入海屹然搢拄當雄關連城列障去不息茲
山突兀烟烽攢中有壘石之軍盤白骨芽距凌巘
屹十三萬兵同日死渾河流血增奔湍豈無遭際
異變化須臾間出身憂勞致將相征蠻建節重登
壇還憶往時舊部曲喟然歎息摧心肝嗚呼立菟
城頭夜吹角殺氣軍聲振寥廓一旦功成盡入關
錦裘跨馬征夫樂天山回首長蓬蒿烟火蕭條少
耕作廢壘斜陽不見人獨留萬鬼填寂寞若使山
川如此閒不知何事爭強弱聞道 朝廷念舊京
詔書招募起春耕兩河少壯丁男盡三輔流移故
土輕牛背農夫分部送雞鳴關吏點行頻早知今
日勞生聚可惜中原耕戰人

臨淮老妓行

臨淮將軍擅開府不鬪身強鬪歌舞白骨何如棄
戰場青娥已成灰土老大猶存一妓師柘枝記
得開元譜纔轉輕喉便淚流尊前訴出漂零苦妾
是劉家舊主謳冬兒小字唱梁州翻新水調教桃

葉撥定鵝弦授莫愁武安當口誇聲伎秋娘絕藝
傾時世戚里迎歸金犢車後來轉入臨淮第臨淮
游俠起山東帳下銀箏小隊紅巧笑射棚分画的
濃糝毬仗簇花叢縱爲房老腰肢在若論軍容粉
黛工羊侃侍兒能走馬李波小妹解彎弓錦帶輕
衫嬌結束城南挾彈貪馳逐忽聞京闕起黃塵殺
氣奔騰滿川陸探騎誰能到薊門空閒千里追風
足消息無憑訪兩宮兒家出入金張屋請爲將軍
走故都一鞭夜渡黃河宿暗穿敵壘過侯家妓堂

梅村集六

七言古詩
十九

仍訝調絲竹祿山裨將帶弓刀醉擁如花念奴曲
倉卒逢人問二王武安妻子相持哭薰天貴勢倚
椒房不爲君王收骨肉翻身歸去遇南兵退駐
淮陰正拔營寶劔幾曾求死士明珠還欲致傾城
男兒作健酣杯酒女子無愁發曼聲可憐西風怒
吹折山陽樹將軍自撤沿淮戍不惜黃金購海師
西施一舸東南避鬱洲崩浪大於山張帆拔柁無
歸處重來海口豎降幡全家北過長淮去長淮一
去幾時還誤作王侯邸第看收者到門停奏伎蕭

條西市嘆南冠老婦今年頭總白凄凉閱盡興亡
迹已見秋槐隕故宮又看春草生南陌依然絲管
對東風坐中尚識當時客金谷田園化作塵綠珠
子弟更無人楚州月落清江冷長笛聲聲欲斷魂

殿上行

殿上雲旗天半出夾陛無聲手攀直有旨傳呼
召集賢左右公卿少顏色公卿繇來畏廷議上殿
叩頭輒心悸吾丘發策詘平津未斥齊人慚汲尉
先生侍從垂金魚退直且上庖西書况今慷慨復

梅村集六

七言古詩
二十

邊惜不爾何以乘朝車秦涼盜賊雜風雨梁宋丘
墟長沮洳降人數部花門留抽騎千人桂林戍
至尊宵旰誰分憂挾彈求鳳高墉謀老臣自詣都
詔獄逐客新辭鵝鵲樓先生翻然氣填臆口讀彈
文叱安石期門將軍鬚戟張側足聞之退股栗吾
聞孝宗宰執何其賢劉公大夏戴公珊夾城日
移對便殿造膝密語爲艱難如今公卿習唯唯長
跪不言而已矣黃絲歷亂朱絲直秋蟲跼曲秋雕
起嗚呼拾遺指佞乃史臣優容愚憊天王仁

過錦樹林玉京道人墓

并傳

玉京道人莫詳所自出或曰秦淮人姓卞
氏知書工小楷能画蘭能琴年十八僑虎
丘之山塘所居湘簾棊几巖淨無纖塵雙
眸泓然日與佳墨良紙相映徹見客初亦
不甚酬對少焉諧謔聞作一坐傾靡與之
久者時見有怨恨色問之輒亂以它語其
警慧雖文士莫及也與鹿樵生一見遂欲
以身許酒酣拊几而顧曰亦有意乎生固
爲若弗解者長歎凝睇後亦竟弗復言尋
遇亂別去歸秦淮者五六年矣久之有聞
其復東下者主於海虞一故人生偶過焉
尚書某公者張具請爲生必致之衆客皆
停杯不御已報曰至矣有頃迴車入內宅
屢呼之終不肯出生悒悒自失殆不能爲
情歸賦四詩以告絕已而歎曰吾自負之
可奈何踰數月玉京忽至有婢曰柔柔者
隨之嘗著黃衣作道人裝呼柔柔取所攜

琴來爲生鼓一再行
泫然曰吾在秦淮見
中山故第有女絕世
名在南內選擇中未
入宮而亂作軍府以
一鞭驅之去吾儕淪
落分也又復誰怨乎
坐客皆爲出涕柔柔
莊且慧道人画蘭好
作風枝婀娜一落筆
盡十餘紙柔柔承侍
硯席間如弟子然終
日未嘗少休容或導
之以言弗應與之酒
弗肯飲踰兩年渡浙
江歸於東中一諸侯
不得意進柔柔奉之
乞身下髮依良醫保

梅村集六

七言古詩
二十二

御氏於吳中保御者年七十餘侯之宗人
築別宮資給之良厚侯死柔柔生一子而
嫁所嫁家遇禍莫知所終道人持課誦戒
律甚嚴生於保御中表也得以方外禮見
道人用三年力刺舌血爲保御書法華經
旣成自爲文序之縑素咸捧手讚歎凡十
餘年而卒墓在惠山祇陀菴錦樹林之原
後有過者爲詩弔之曰

龍山山下茱萸節
泉響琤淙流不竭
但洗鉛華不

洗愁形影空潭照離別離別沉吟幾迴顧遊絲夢
斷花枝悟翻笑行人怨落花從前總被春風誤金
粟堆邊烏鵲橋玉孃湖上蘼蕪路油壁曾聞此地
遊誰知卽是西陵墓烏柏霜來映夕曛錦城如錦
葬文君紅樓歷亂燕支雨繡嶺迷離石鏡雲絳樹
草埋銅雀硯綠翹泥沈鬱金裙居然設色倪迂画
點出生香蘇小墳相逢盡說東風柳燕子樓高人
在否枉拋心力付蛾眉身去相隨復何有獨有瀟
湘九畹蘭幽香妙結同心友十色箋翻貝葉文五
條絃拂銀鈎手生死梅檀祇樹林青蓮舌在知難
朽良常高館隔雲山記得斑駁嫁阿環薄命只應
同入道傷心少婦出蕭關紫臺一去魂何在青鳥
孤飛信不還莫唱當時渡江曲桃根桃葉向誰攀

悲滕城

悲滕城滕人牧羊川之潰雨工矯步趨其羣河魚
大上從風雲去山一尺雷殷殷寺前鐵鐸多死聲
日暮雞犬慘不鳴城上掌事報二更鬼馬踏霧東
南行鼓音隆隆非甲兵吁嗟龍伯何不仁大水湯

湯滔吾民城中竿瑟不復陳縞帶之價高錦純路
骨藉藉無主名葬者死生俱未明悲滕城滕城訛
言晝夜驚百尺危巖浮車輪海民投網獲釜鑄巫
兒赤章賽水神溝人匠氏脩防門

打水詞

北河風高水生骨玉壘銀橋堆幾尺新戍雲中千
騎馬橫津直渡無行迹下流湍悍川途開吹笳官
舫從南來帆檣山齊排浪進牽船百丈聲如雷雪
深沒髀衣露肘背挽頭低風塞口相逢羨殺順流

梅村集六

七言古詩
二十四

船急問來時河凍否溜過湖寬放插平長年穩望
一帆輕夜深側聽流澌響瑣碎玲瓏漸結成篙滑
難施櫓枝折舟人霜滿髭鬚白發鼓催船喚打水
衝寒十指西風裂吁嗟河伯何輕輕白楫如雨終
無聲魚龍潛逃科斗匿殊耐鞭杖非窮民官艙裘
酒自高卧只話篙師叉手坐早辦人夫候治裝明
日推車冰上過

再觀打水詞

官催打水不肯行座船旣泊商船停商船雖住起

潛聽水底有聲柁牙應桅竿旗動吹南風舟子喜
甚呼蒙衝兒童操艇爭跳躍其氣早奪馮夷宮晝
如蒼崖崩巨石錐如戈矛相撞擊滄如雲氣騰虛
空颯如雨聲飛淅瀝河伯娶婦三日眠霜紈方空
張輕烟忽聞裂帛素娥笑玉盤銀甕傾流泉別有
鮫鮪還未醒沉魚浮藻何隱隱上水猶結下水行
視水如燈取水影冰輪旣碾相催送三千練甲皆
隨從激岸迴湍水負水白龍十丈鱗鱗動自古水
嬉無此觀披裘起坐捲簾看估客兼程貪夜發却
愁明日西風寒枕畔輕雷殊不已醉裏扁舟行百
里安得并州第四弦彈徹冰天霜月起

雪中遇獵

北風雪花大如掌河橋路斷流澌響愁鳴饑雀語
啁啾健鶻奇鷹姿颯爽將軍射獵城南隅軟裘快
馬紅氍毹秋翎垂頭西鼠煖鴉青徑寸裝明珠金
鵝箭褶袍花溼桐酒駝羹馬前立錦靴玉貌撥秦
箏瑟瑟鬢多好顏色少年家住賀蘭山積裏擒生
夜往還鐵嶺草枯燒煨火黑河水滿渡征鞍十載

功成過高柳閒却平生射雕手漫唱千人勅勒歌
只傾萬斛屠蘇酒今朝彷彿李陵臺將軍喜甚圍
場開黃羊突過笑追射鼻端出火聲如雷回去朱
旗滿城闕不信溝中凍死骨猶有長征遠戍人哀
哀萬里交河卒笑我書生短褐溫寒驢箬笠過前
村卽今莫用梁園賦扶杖歸來自閉門

梅村集六

七言古詩
二十六

終

梅村集卷第七

七言古詩四

曇陽觀訪文學博介石兼讀蒼雪師舊跡有感

先生頭白髮垂耳博士無官家萬里講席漂零笠
澤雲鄉心斷絕昆明水南來道者爲蒼公說經如
虎詩如龍大渡河頭洗白足一枝柳栗棗中峰與
君相見砉然笑石床對語羈愁空故園西境接身
毒雪山照耀流沙通神僧大儒却並出離題久矣

梅村集七

七言古詩一

漸華風鳴呼銅鼓鳴莊躑起青草湖邊築營壘金
馬碧雞悵已矣人言堯幽囚或言舜野死目斷蒼
梧淚不止吾州城南祠仙子窈窕丹青映圖史玉
棺上天人不見遺骨千年蛻于此先生結茅居其
傍歸不歸兮思故鄉盡道長沙軍已得滇池王伏
波南下開夜郎烏爨孤城猶屈強青蛉絕塞終微
茫忽得山中書蒼公早化去支遁經臺樹隕花文
翁書屋風飄絮噫嘻乎悲哉香象歸何處杜宇啼
偏哀月明夢落桄榔臺丈夫行年已七十天涯戎

馬知何日點蒼青
洱海白道路雖開亦無及

贈陸生

陸生得名三十年
布衣好客囊無錢
尚書墓道十
章樹處士江邨
二頃田京華浪跡
非長計賣藥求
名總遊戲習俗
誰容我棄捐才名
苦受人招致古
來權要嗜奔走
巧借高賢謝多口
古來貧賤難自
持一食誤喪生平
守陸生落落真吾
流行年五十
今何求好將輕俠
藏亡命耻把文章
謁貴游丈夫
肯用他途進相逢
誤喜知名姓狡獪
原來達士心

梅村集七
七言古詩

棲遲不免文人病
黃金白壁誰家子
見人盡道當
如此銅山一旦拉
然崩却笑黔婁此
中死嗟君時
命劇可憐蜚語牽
連竟配邊水菜山
頭悲夜夜春
申浦上望年年江
花江月歸何處燕
子鶯兒等飄
絮紅豆啼殘曲裏
聲白楊哭斷齋前
樹屈指指鄉園
筍蕨肥南烹置酒
夢依稀尊鱸正美
書堪寄燈火
將殘淚獨揮君不
見鴻都買第歸來
客駟馬軒車
胡辟易西園論價
喜誰知東觀掄文
矜莫及從他
羅隱與方干不
比如君行路難
只有一篇思舊賦

江關蕭瑟幾人看

吾谷行

吾谷千章萬章木，挿石緣溪秀林麓。中有雙株向
背生，並幹交柯互蟠曲。一株天矯面東風，上拂青
雲宿。黃鵠黃鵠引吭鳴，一聲響入瑤花飛。簌簌一
株偃蹇踞陰崖，半死半生遭屈辱。雷劈燒痕翠鬣
焦，雨垂漏滴蒼皮縮。泥崩石斷迸枯根，鼠竄蟲穿
隱空腹。行人過此盡彷徨，日暮驅車不能速。前山
路轉相公墳，宰木參差亂入雲。枝上子規啼碧血

梅村集七

元言古詩

道旁少婦泣羅裙，羅裙碧血招魂哭。寡鵠羈雌不
忍聞，同伴幾家逢下淚。羨他夫婿尚從軍，可憐吾
谷天邊樹。猶有相逢斷腸處，得免倉黃剪伐愁。敢
辭漂泊風霜懼，木葉山頭雪正飛。行人十月遼陽
戍，兄在長安弟玉關。摘葉攀條不能去，昨宵有客
大都來傳道。君王幸漸臺，便殿含毫題詔溼。
閣門走馬報花開，官槐聽取從官詠。御柳催成應
制才，定有春風到吾谷。故園不用憂樵牧，雖遇彫
枯墜葉黃。恰逢滋茂攢條綠，由來榮落總何常。莫

向千門美棟梁君不見庾信傷心枯樹賦縱吟風
月是他鄉

圓圓曲

鼎湖當日棄人間破敵收京下玉關慟哭六軍俱
縞素衝冠一怒爲紅顏紅顏流落非吾戀逆賊天
亡自荒譙電掃黃巾定黑山哭罷君親再相見相
見初經田竇家侯門歌舞出如花許將戚里篋篋
伎等取將軍油壁車家本姑蘇浣花里圓圓小字
嬌羅綺夢向夫差苑裏游宮娥擁入君王起前身

梅村集七

七言古詩
四

合是採蓮人門前一片橫塘水橫塘雙槳去如飛
何處豪家強載歸此際豈知非薄命此時只有淚
沾衣薰天意氣連宮掖明眸皓齒無人惜奪歸永
巷閉良家教就新聲傾坐客坐客飛觴紅日暮一
曲哀弦向誰訴白晷通侯最少年揀取花枝屢迴
顧早攜嬌鳥出樊籠待得銀河幾時渡恨殺軍書
底死催苦留後約將人謾相約恩深相見難一朝
蟻賊滿長安可憐思婦樓頭柳認作天邊粉絮看
遍索綠珠圍內第強呼絳樹出雕欄若非壯士全

師勝爭得蛾眉匹馬還蛾眉馬上傳呼進雲鬢不
整驚魂定蠟炬迎來在戰場啼粧滿面殘紅印專
征簫鼓向秦川金牛道上車千乘斜谷雲深起画
樓散關月落開粧鏡傳來消息滿江鄉烏相紅經
十度霜教曲妓師憐尚在浣紗女伴憶同行舊巢
共是銜泥燕飛上枝頭變鳳皇長向尊前悲老大
有人夫婿擅侯王當時祇受聲名累貴戚名豪競
延致一斛明珠萬斛愁關山漂泊腰肢細錯怨狂
風颺落花無邊春色來天地嘗聞傾國與傾城
使周郎受重名妻子豈應關大計英雄無奈是多
情全家白骨成灰土一代紅粧照汗青君不見館
娃初起鴛鴦宿越女如花看不足香逕塵生鳥自
啼屢廊人去苔空綠換羽移宮萬里愁珠歌翠舞
古梁州爲君別唱吳宮曲漢水東南日夜流

送杜大于皇從婁東往武林兼簡曹司農秋

岳范僉事正

五月江村客行曉僮無朝舖馬無草路穿槐柳到
柴門滿架藤花屋灑掃與君相別定何年一見嗟

余頭白早東鄰濁酒賒未到盤格飴疎具梨棗莫
怪貧家一飯難主人長饑客不飽解囊示我金焦
詩四壁波濤驚欲倒一氣元音接混茫想落千峰
入飛鳥近來此地擅時譽粉飾開元與天寶我把
耒鋤倦唱酬耻畫蛾眉鬪工巧看君爽氣出江山
始悔從前作詩少海內悠悠識者誰汝有平生故
人好副相猶然卧茂陵侍郎已是歸嶺表况逢少
伯共登臨西子湖頭月皎皎人生貧賤何足悲縱
酒高歌白雲杳勝絕留容我輩狂劫灰燒盡雷峰
小落落窮途感快游愧我菰蘆色枯槁佳句流傳
遍世間寄書早慰江潭老

悲歌贈吳季子

松陵人
字漢樵

人生千里與萬里黯然消魂別而已君獨何爲至
於此山非山兮水非水生非生兮死非死十三學
經并學史生在江南長統綺詞賦翩翩衆莫比白
壁青蠅見排抵一朝束縛去上書難自理絕塞千
山斷行李送吏淚不止流人復何倚彼尚愁不歸
我行定已矣八月龍沙雪花起橐駝垂腰馬沒耳

梅村集七

七言古詩
六

白骨皚皚經戰壘黑河無船渡者幾前憂猛虎後
蒼兕土穴偷生若螻蟻大魚如山不見尾張髻爲
風沫爲雨日月倒行入海底白晝相逢半人鬼噫
嘻乎悲哉生男聰明慎勿喜倉頡夜哭良有以受
患祇從讀書始君不見吳季子

織婦詞

黃繭綠絲不成匹停梭倚柱空太息少時織綺貢
尚方官家曾給千金直孔雀蒲桃新樣改異繡奇
文不遑識桑枝漸枯蠶已老中使南來催作早齊
純魯縞車班班西出玉關賤如草黃龍袱子紫綦
駝千箱萬疊奈爾何

贈穆大苑先

從汝寧確山歸確
山余兄純祐治也

穆生同學今頭白讀書不遇長爲客亂離諸子互
升沉共樂同愁不相失出入知交三十年江山幾
處供游歷承平初謁武夷君荔支日啖過三百兵
火桐江遇故人釣臺長嘯凌千尺身軀雖小酒腸
寬坦腹鄉村話疇昔訪友新年到蔡州淮西風浪
使人愁峭帆直下雙崖險奇石橫空衆水流泊口

斷磯傳禹跡山根雷雨鎖獼猴舍舟別取中都道
寢廟高原陵樹秋定有風雲歸大澤不堪弓劍弔
荒丘仰天太息頻搔首失脚倒墮烏犍牛偶來帝
鄉折左臂吾苦何足關封侯丈夫落落誇徒步芒
鞋踏遍天涯路中原極目滿蓬蒿內於今信多
故萬事無如散誕游一官必受羈棲誤傷心憔悴
朗陵侯征蹄奔命無朝暮身親芻秣養驕騮供頓
三軍尚嗔怒赤日黃埃伏道旁鞭稍拂面將誰訴
故舊窮途識苦辛掉頭舉世寧相顧嗚呼汝南風

梅村集七

七言古詩
八

俗天下稀死生然諾終難移相逢應自有奇士客
中可以談心期君行千里狗友急此意豈得無人
知

遣悶

秋風泠泠蛩唧唧中夜起坐長太息我初避兵去
城邑田野相逢半親識扁舟遇雨烟村出白版溪
門主人立鷄黍開尊笑延入手持釣竿前拜揖十
載鄉園變蕭瑟父老誅求窮到骨一朝戎馬生倉
卒婦人抱子草間匿津亭無船渡不得仰視烏鵲

營其巢天邊矰繳猶能逃我獨何爲委蓬蒿搔首
回望明星高

其二

雞旣鳴矣升高堂問我消息來何方欲語不語心
彷徨當年奔走雖茫茫兩親筋力支風霜上有王
母方安康下有新婦相扶將小妹中夜縫衣裳百
口共到南湖莊只今零落將誰望出門一步紛蜩
蟬十人五人委道傍去鄉五載重相見江湖到處
逢征戰一家未遂昇平願百年那得長貧賤

梅村集七

七言古詩
九

其三

人生豈不繇時命萬事憂愁感雙鬢兄弟三人我
衰病齒牙落盡誰能信疇昔文章傾萬乘道旁爭
欲知名姓中年讀易甘肥遞歸來擬展雲山興赤
城黃海東南勝故園烽火憂三徑京江戰骨無人
問愁吟獨向南樓凭風塵咫尺何時定故人往日
燔妻子我因親在何敢死憔悴而今困于此欲往
從之媿青史

其四

生男歡喜生女憐嗟我無子誰尤天傷心七女盡
亡母啾啾乳燕枝難安一女血淚啼闌干舅姑嶺
表無書傳一女家破歸問關良人在北愁戍邊更
有一女憂烽烟圍城六月江風寒使我念此增辛
酸其餘燈下行差肩見人悲歎殊無端攜手遊戲
盈床前相思夜闌更剪燭爇城鼓聲振林木衆雖
怖向床頭伏搖手禁之不敢哭

其五

舍南春水成清渠其上高柳三五株草閣窈窕花

梅村集七

七言古詩

扶疎園有菜茹池有魚蓬頭奴子推鹿車藝瓜旣
孰分里閭忽聞兵馬來城隅南翁北叟當窓趨我
把耒鋤心躊躇問言不荅將無愚老大無成灌蔬
壤暫息干戈竊偃仰舍之出門更何往手種松杉
已成長

其六

白頭儒生良自苦獨抱陳編住環堵身歷燕南邇
齊魯摩挲漆經觀石鼓上探商周過三五屹屹窮
年竟奚補响嶮山頭祝融火百王遺文棄如土馬

矢高於瞿相圃箋釋蟲魚付榛莽寓言何必齊莊
周屬辭何必通春秋一字不向人間留亂離已矣
吾無憂

詠拙政園山茶花 并引

拙政園故大弘寺基也其地林木絕勝有
王御史者侵之以廣其宮後歸徐氏最久
兵興爲鎮將所據已而海昌陳相國得之
內有寶珠山茶三四株交柯合理得勢爭
高每花時鉅麗鮮妍紛披照矚爲江南所
僅見相國自買此園在政地十年不歸再
經譴謫遼海此花從未寓目余偶過太息
爲作此詩他日午橋獨樂定有酬唱以示

看花君子也

拙政園內山茶花一株兩株枝交加艷如天孫織
雲錦頰如姹女燒丹砂吐如珊瑚綴火齊映如蟬
螬凌朝霞百年前是空王宅寶珠色相生光華長
養端資鬼神力優曇湧現西流沙歌臺舞榭從何
起當日豪家擅閭里苦奪精藍爲翫花旋拋先業

隨流水兒郎縱博賭名園一擲留傳猶在耳後人
修築收池臺石梁路轉蒼苔屐曲檻奇花拂画樓
樓上朱顏嬌莫比千條絳蠟照鉛華十丈紅牆飾
羅綺鬪盡風流富管弦更誰瞥眼閒桃李齊女門
邊戰鼓聲入門便作將軍壘荆棘從填馬矢高谷
斤勿剪鶯簧喜近年此地歸相公相公勞苦承明
官真宰陽和暗迴斡長安日日披薰風花留金谷
遲難落花到朱門分外紅獨有君恩歸未得百
花深鎖月明中灌花老人向前說園中昨夜零霜

梅村集

七言古詩
十一

雪黃沙淅淅動人愁碧樹垂垂爲誰發可憐塞上
燕支山染花不就花枝殷江城作花顏色好杜鵑
啼血何斑斑花開連理古來少並蒂同心不相保
名花珍異惜如珠滿地飄殘胡不掃楊柳絲絲二
月天玉門關外無芳草縱費東君着意吹忍經摧
折春光老看花不語淚沾衣惆悵花間燕子飛折
取一枝還供佛征人消息幾時歸

短歌

王郎頭白何所爲罷官嶺表歸來遲衣囊已遭盜

賊笑襍被尚少親朋知我書與君堪太息不如長
作五羊客君言垂老命如絲縱不歸人且歸骨入
門別懷未及話石壕夜半呼倉卒肢篋從他悞攫
金告緡憐我非懷璧田園斥盡敝裘難苦乏家錢
典圖籍愛子摧殘付托空萬卷飄零復奚惜吁嗟
乎十上長安不見收千山遠宦終何益君不見鬱
孤臺臨數百尺惡灘過處森刀戟歷遍風波到故
鄉此中別有盤渦石

西蠟顧侍御招同沈山人友聖虎丘夜集作

梅村集七

七言古詩
十三

圖紀勝因賦長句

漢陽仙人乘黃鵠朝發三巴五湖宿春深潮滿闔
閭城剪得晴川半篙綠錦涇催動木蘭橈恣討名
山縱心目判牘揮毫撥若雲支筇屏騎從惟鹿蒼
丘虎氣鬱騰驤一片盤陀徑廣場平座千人填語
笑危欄百尺沸絲簧夫差石上杯浮月歐冶池邊
劒拂霜花雨講臺孤塔迥風流捨宅六朝荒曾來
此地探奇蹟薄晚迎流刺舟入携手何人沈與吳
詞客青衫我頭白脫略才知興會真冥搜務取烟

霞適火照靈湫暑月寒鐘埋苦霧陰崖黑魯公擘
窠字如斗忠孝輪困鬼神走薜剝苔侵耿不磨手
捫沉吟立來久重燒官燭奏鷓絃今夕懽游逢快
友後約須聽笠澤鶯臨分忍折開門第七里山塘
五月天玉絲金管自年年江村茶熟橋成市溪館
花開樹滿船賀老一歌嘗月下泰孃雙槳卽門前
泥車瓦馬兒童戲竹几蕉團估客眠萬事韶華有
凋替烟蕪漸失層巒翠鼠窺迴廊僧舍空鴉啼廢
井漁扉閉赤憶黃鸝佳氣浮姑蘇臺上春風細令

梅村集七

十言古詩
十四

出天清鶴鶴高詩成日落溪山麗笏展籃輿逐後
塵碧油簾舫夜留賓棲遲我已傷顏老歷落君偏
重散人好把丹青垂勝事可憑詩卷息閒身襄陽
寺壁摹羊祜句曲山圖補許詢妙手生綃經想像
兔毫點出雙瞳王抱膝看雲見礪砢搢頤藉草耽
疎放半衲誰堪竺道生一樽足擬陶元亮絹素流
傳天壤存宅年相見欣無恙黃鶴高飛玉笛殘舊
游我亦夢湘沅峭帆此去應千里郢樹叅差響惡
灘飲君酒送君還王程長作畫圖看攜將老筆龍

眠輩寫盡江南江北山

高涼司馬行 贈孫季若

高涼司馬才如龍眼看變化疇人中豪華公子作
能吏刻苦不與尋常同十年太末聲名好隨牒單
車向嶺表猿嘯天邊雁北飛相思不斷如春草官
清喜得鄉園近載米嘗聞上山郡此去雖持合浦
珠炎州何處沽佳醞君言萬事隨雙屐浮踪豈必
嗟行役婚嫁瓮完身計空掉頭且作天涯客江南
賦稅愁連天笑余賣盡江南田京華權貴書盈寸
笑余不作京華信平生聲伎羅滿前襪被獨上孤
篷船到可蘭芽開百本飽啖荔枝寧論錢故舊三
人腸幾轉白頭老輩攤吟卷王宰丹青價自高周
郎酒興愁來減三衢橘柚廣州柑夢遶江南與海
南吾谷霜楓迴首處錯認桄榔是鄉樹

梅村集七 七言古詩 十五

圖索歌得二十七韻

江南好古推海虞大癡畫卷張顛書士女嬉遊衣
食足丹青價重高璠璣不知何事今蕭索異聞只

說姑蘇樂西施案舞出層臺瑟瑟珍珠半空落聞
道王孫愛畫圖購求不惜千金諾此地空餘好事
家扁舟載入他人橐玉軸牙籤痛惜深丹崖翠壁
精華弱魯侯魯侯何太奇此卷留得無人知一官
三載今上計粉本溪山坐卧持九峰主人寫名勝
百年絹素猶蒼潤云是探微後代孫飄殘兵火遺
名姓我也菰蘆擁被眠舊遊屈指嗟衰病忽聽柴
門枉尺緘披圖重起籃輿興烏日烟巒妙婉喫西
風拂水響濺濺使君自是神仙尉老我堪依漁釣
船招真治畔飛黃鵠七檜盤根走麋鹿寫就青山
當酒錢醉歌何必譜絲竹魯侯笑我太顛狂不羨
金張誇顧陸登臨落日援吟毫太息當年賢與豪
請爲陸生添數筆絳雲樓榭舊東臯

九峰草堂歌

并序

九峰草堂者青溪諸乾一進士所構也乾
一取第後未仕著書九峰山下每峰皆有
卜築而神山爲最明初彭素雲仙翁修真
此山徵書至而蛻去丹井尚存金蛇著異

梅村集七

七言古詩
十六

故名神鼉峰焉少叅陸蘭陔誅茅山麓而
其旁張王屋先生舊墅有孫漢度能繼家
風余詩中所援陸瑁張融蓋指兩人也余
山爲陳徵君眉公隱處吾友董得仲以詩
文爲此峰主人乾一葺徵君廢屋置祠而
橫雲爲李氏園相望則天馬峰有鐵崖舊
墓機山則二陸故宅也乾一拉余同遊坐
客有許九日沈友聖倪思曼及故人徐陳
二子而小司空張公尋攜尊至凡乞花塲
種藕塘仙人棋枰庫將軍兵書鐵鎖并玉
屏石牀龍洞虎塔皆一時杖屨所登歷故
叙次及之其詳在九峰誌中

梅村集七

七言古詩
十七

九峰草堂神鼉峰丹崖啓自彭仙翁終南曳杖來
採藥眼看江上飛虬龍紫泥欲下早蟬蛻掉頭不
肯隨東封金蛇三寸戲沙磔玉棺萬古懸虛空仙
井曾經鬼神鑿九還洗出桃花紅霓旌羽節往來
過月明鸞鶴吟天風九峰主人青溪曲上清謫受
金門祿一鞭槐市撼鳴珂脫却朝衫友麋鹿地近

寧移許椽家身輕未辟留侯穀層閣欽敬俯碧潭
迴廊窈窕穿修竹同志相期四五人幽棲幾處依
林麓陸瑁溪堂薄宦成張融岸屋先人築曹唐道

者伴吹笙註罷南華理松菊道士曹耕雲同隱葉落閒階

閨苑鐘熏香小史清如玉主人詩酒真人豪好將

蹤跡從漁樵痛飲恕人容水部乾一善飲而余口不識杯勺長

吟懷古繼龍標名高仕宦從教懶金盡妻孥任見

嘲是處亭臺添布置到來賓客共逍遙精藍每與

支公會支公指大衢和尚快友還將董相招得仲我輩漫應

梅村集七七言古詩十八

誇隱遁此君猶復困蓬蒿小園涉趣知能賦中歲

離愁擬續騷右手酒杯澆塊壘雙眸書卷辨秋毫

得仲目疾復明憶昔溪山正全盛徵君比屋開三徑筍屐

籃輿鶯燕忙酒旗歌板花枝映處士詩成猿鳥知

尚書畫就烟巒潤客過嘗逢太守車書來每接高

僧信李氏名園士女遊徐公別墅琴尊興文貞別業在西

奈禔飲壺觴妙妓絃餅師炬杖山翁印眉公好說餅市者以

爲名西風急浪五湖天四月江村響杜鵑僊客棋枰

拋浩劫道人肩鑄隱殘編乞花何處花如錦種藕

曾無藕似船鐵笛已稀天馬逝玉屏雖在石牀鐫

參龍洞暗荒祠兩講虎經銷妙塔年九峰主人三

歎息赤烏臣主真相得儒將雍容羽扇風歌鍾磬

戟王侯宅勲業將衰文字興江山秀弱機雲出寶

玉空埋劍影寒蘆花一片江湖白英雄已往餘氣

在後來往往生遺佚青史人間歲月邁老鐵歌殘

歌白石眉公自稱白石山人我聽君談意悽哽停樽不御青

燈耿相看徐孺與陳耶關公大樽之子雜坐迂倪思偕瘦

沈友聖疆項還推一老生江都著作攄孤憤得仲展齒

梅村集七七言古詩十九

俄聞到茂先一坐傾靡再張飲有客依人話過秦

客有談關中事無家二子同哀郢卽徐陳二子感舊思今涕淚

多荒鷄喔喔催人寢九峰九峰空嘖嘖朝來重上

仙翁壇浮生感嘆誠無端拂衣長嘯投漁竿烟波

一葉愁風湍願君授我長生訣攜向峰頭萬仞看

觀王石谷山水圖歌

世間勝事誰能識兵戈老盡丹青客真宰英靈厭

寂寥江山幻出王郎筆王郎展卷閒窓淨良久呼

之曾不應剪水雙瞳鎮日看側身似向千峰進一

時儒雅高江東氣韻吾推里兩翁師授雖真肯沿
襲後生更自開蠶叢取象經營巧且密丰神點拂
天然中頓挫淋漓寫胃臆研精毫髮摹宗工廣陵
花月扁舟送貴戚豪華盛供奉不惜黃金購畫圖
好奇往往輕南宋妙手裝潢技絕倫殘縑斷墨俄
飛動闔閭城下收藏家誅求到骨愁生涯僅存數
軸用娛老載去西風響鹿車君也侯門跋珠履晴
日湘簾憑畫几奕罷雙童捧篋來狎客何知亦咨
美笑持茗椀聽王郎鑒別妍蚩臻妙理作者風流

梅村集七

七言古詩
二十

異代逢賞心拊掌王孫喜枉買青娥十萬錢移人
尤物惟山水玉郎馳譽滿通都軟裘快馬還東吳
道邊相識半窮餓致身猶是憂妻孥羨君人材爲
世出盛年絕藝須難得好求真訣走名山粉本終
南兼少室攬取荆關入掌中歸帆重補烟江色諸
侯書幣逃深處擗管松根醉箕踞絹素流傳天壤
間白雲萬里飛來去

京江送遠圖歌

并序

京江送遠圖者石田沈先生周爲書高祖

遜菴公之官叙州作也圖成於弘治五年
辛亥之三月京兆祝公希哲允明爲之序
後一百七十有八年公之四世孫偉業謹
案京兆序而書之曰公諱愈字惟謙一字
遜菴成化乙未進士授南京刑部主事進
郎中清慎明敏號稱職先後九載南司寇
用弘治三年詔書得薦其屬將待以不次
疏未達而命守叙州爲守旣嘗調叙又險
且遠公獨不以爲望南中諸大僚爲文以

梅村集七

七言古詩
二十一

寵其行太僕寺丞文公宗儒林旣已自爲
文又遍乞名人之什以贈文公之子待詔
徵仲璧卽公壻也石田爲文公執友待詔
親從之受畫法京兆之交在文氏父子間
故石田爲作長卷題以短歌而京兆序之
長卷中平橋廣坡桃柳雜植有三峰出其
上離舟揮袂送者四五人點染景物皆生
動短歌有荔支初紅五馬到江山亦爲人
增奇之句其風致可想見焉京兆文典雅

有法度小楷倣鍾太傅體尤其生平不多
得詩自都玄敬以下十有五人朱性甫存
理劉協中嘉緒尤以詞翰著名者也先朝
自成弘以來一郡方雅之族莫過文氏而
吾宗用世講相輝映當叙州還自蜀叅政
河南而文太僕丞出爲溫州守待詔以詩
文書画妙天下晚出而與石田齊名其於
外家甥舅中表多有往還手蹟偉業六七
歲時見吾祖封詹事竹臺公所藏數十紙
今大半散失猶有存者此卷比之宅褻日
月爲最久衰門凋替不知落於何人乃劫
灰之餘得諸某氏質庫中若有神物擁護
以表章其先德不綦幸乎吾吳氏自四世
祖儀部冰蘖公以乙科起家參政再世滋
大父子皆八十有重德其行畧具吳中先
賢傳中偉業無似不能闡揚萬一庶幾邀
不朽於昔賢之名蹟而藉手當世諸君子
共圖其傳是歌之作見者其有以教之也

京江流水清如玉楊柳千條萬條綠画舫勞勞送
客亭勾吳人去官巴蜀巴蜀東南棧道開夷牢山
下居民屋諸葛城懸斷棧邊李冰路鑿顛崖腹不
知置郡始何年卽叙西戎啓荒服吾祖先朝事

孝宗清郎遠作蠻方牧家世流傳餞別圖知交姓
字摩挲讀先達鄉邦重文沈太僕絲蘿共華省徵
仲當時尚少年後來詞翰臻能品師承父執石田
翁婉致姻親書画請相城高卧灑雲烟話到相知
因笑肯太守嚴程五馬裝山人尺素雙江景草色

梅村集七

七言古詩
二十三

官橋從騎行花時祖帳離尊飲碧樹遙遙別袂情
青山疊疊征帆影首簡能書枝指生揮毫定值殘
醒醒狂草平生見儘多愛看楷法藏鋒緊徵仲關
心画後題石田句把前賢引杜老曾遊擘荔支涪
翁有味嘗苦筍

唐戎州宋紹聖四年始改爲叙杜
子美客游詩有輕紅擘荔支之句

黃山谷貶官作筍賦言苦而有味
官况似之故石田短歌引此相贈此地居然風土

佳丈人仕宦堪高枕嗚呼孝宗之世真成康相逢
骨肉游羲皇瞿塘劍閣失險阻出門萬里皆康莊
雖爲邊郡二千石經過黑水臨青羌旄牛徼外無

傳埃鐵鎖江頭弗置防去國豈愁親故遠還家詎
使髮毛蒼吾吳儒雅傾當代石田旣沒風流在待
詔聲華晚更道枝山放達長無害歲月悠悠習俗
非江鄉禮數歸時態縱有丹青老輩存故家典會
知難再京口千帆估客船金焦依舊青如黛巫峽
巫山慘澹風此州迢遞浮雲礙正使何人送別離
登高腸斷鳥蠻塞衰白嗟余老秘書先人名德從
頭載廢楮殘縑發浩歌一天詩思江山外

沈文長雨過福源寺

并序

梅村集七

七言古詩
二十四

余以己亥春遊石公山宿文長山館丁未
復至石公水涸挾奇石呈異遠過舊游將登
歷而風雨驟至竟覲面失之殊不及我故
人之高談蕭寺追敘夙昔也

昔年訪沈子石公山沒歸雲址今年遇沈公石公
水落盤龍宮沈公家在石公側白頭三見山根出
而我分攜將九載相看總老溪山改石公在望風
雨作探得靈竒復蕭索沈公蠟屐曉衝泥握手精
藍話疇昨石公沈公且別去明日回頭望山樹

秋日錫山謁家伯成明府臨別酬贈

吾家司馬山陰公子弟變化風雲中
珣戈帶礪周京改碣石關河禹穴通
泰伯城頭逢季子登高極目霜楓紫
七十烟巒笠澤圖三千歲月句吳史
遍觀易象與春秋魯頌唐風費攷求
縞帶贈來同白璧干將鑄就勝純鈎
此中盡說春申澗草荒幸舍飛鳧雁
珠履何人解報恩蒯緱枉自勤垂盼
黃初才子好加餐季重翩翩面省看
早負盛名游鄴下只今詩酒駐江干
江干足比梁園勝追陪衰叟招

梅村集七

七言古詩
二十五

枚乘八斗君堪跨建安一編我尚慚
長慶剡山東望故人遙玉局金吾未
寂寥汗簡舊開都護府蘭臺新插侍
中貂感君意氣從君飲燈火松窓安
伏枕數枝寒菊映琴心百斛清泉定
茶品歸家廻首木蘭舟鐘鼓高城暮
靄收最是九龍山下水伴人離抱向
東流

題劉伴阮凌烟閣圖

并序

唐閻立本十八學士圖相傳在兵科直房
中余官史局慈谿馮大司馬鄴仙時掌兵

都垣嘗同直禁中出而觀之吏啓篋未及
展而馮以上命宣召遽扃鐺而去遂不果
今相去三十年六科廊燬於兵此圖不可
問矣按王氏畫苑立本畫十八學士又畫
凌烟二十四功臣故兩圖並行凌烟圖不
著著其所繇失汴梁劉君伴阮天才趨詣
書畫尤其所長自鍾王以下八分行草摹
之無不酷似山水雅擅諸家又出新意以
繪人物如所作凌烟功臣圖氣象髣髴衣
裝瓌異雖立本復出無以過焉伴阮遊於
方伯三韓佟公之門暫留吾吳恨尚未識
面間取是圖以想像其爲人意必欽寄磊
落有凌雲御風之氣余因是以窺劉君之
才服方伯之知人而深有感於余之老不
足追陪名輩也爲之歌曰

大梁才子今劉生客遊書畫傾公卿江南花發遇
高會油幢置酒羅羣英開君書堂拂素壁貞觀將
相施丹青長孫燕頷肺附戚河間隆準天潢親鄂

公衛公與英國誰其匹者推秦瓊房杜勳勳魏彊
諫元僚濟濟高勳名二十四人半豐沛君王帶礪
山河盟千載懸毫寫生面雙眸顧盼神明長弓
大矢佩刀劔元袞赤鳥垂慈珩正視橫看叫奇絕
一時車馬喧南城余衰卧病滄江口忽地流傳入
吾手細數從前翰墨家海內知名交八九懔淡相
看識苦心殘縑零落知何有技窮仙佛并侯王四
十年來誰不朽北有崔青蚓南有陳章侯崔也餓
死值喪亂緝摩一卷兵間留含牙白象貝多樹圖

梅村集七

七言古詩
二十七

成還記通都求陳生落魄走酒肆好摹傖父屠沽
流笑償王媪錢十萬稗官戲墨行觥籌劉生三十
稱詞伯盛名緩帶通侯席埋沒休嗤此兩生古今
多少窮途客繁臺家在汴流平老我相逢話鋒鏑
剩有關河出後生枉將兵火催衰白君不見秘書
高館羣儒修歐虞褚薛題銀鈎朔州老將解兵柄
折節愛與諸生游丈夫遭際好文日布衣可以輕
兜鍪似君才藻妙行草况工絹素追營丘它年供
奉北門詔大官賜食千金裘嗚呼石渠麟閣總天

上凌烟圖罷圖瀛洲

白燕吟

雲間白燕菴袁海叟兩舍在焉吾友單狷
菴隱居其傍鴻飛冥冥爲弋者所篡故作
此吟以贈之余年二十餘遇狷菴於陳徵
君西余山館有歌者在席廻環昔夢因及
其事狷菴解組歸田遭逢多故視海叟之
西臺謝病倒騎烏犍牛以智僅免者均有
牢落之感俾讀者前後相觀非獨因物比

梅村集七

七言古詩
二十八

興也

白燕菴頭晚照紅摧頽毛羽訴西風雖經社日重
來到終怯雕梁故壘空當年掠地爭飛俊垂楊拂
處簾櫳吹徵君席上點微波雙棲有箇凝粧靚趙
家姊妹鬪嬋娟軟語輕身鬢影偏錯信董君它日
寵昭陽舞袖出尊前長安穠杏翩躑好穿花捎蝶
春風巧楚雨孤城儔侶稀歸心一片江南草縞素
還家念主人瓊樓珠箔已成塵雪衣力盡藍田土
玉骨神傷漢苑春銜泥從此依林木窺籬詎肯樊

梅村集卷第八

五言律詩一

穿山

勢削懸崖斷根移怒雨來洞深山轉伏石盡海方
開廢寺三盤磴孤雲五尺臺蒼然飛動意未肯卧
蒿萊

玄墓謁剖公

一衲消羣相孤峰占妙香經聲清石骨佛面冷湖
光花落承趺坐雲歸識講堂空潭今夜月鐘鼓祝

梅村集八

五言律詩一

前王

過聞果師園居

帆影牕中沒鐘聲樹杪移簷依懸果近閣避偃松
欹菜甲春來蚤茶槍雨後遲散齋閒獨往應與道
人期

游西灣

斷壁猿投栗荒祠鼠竄藤鐘寒難出樹雲靜恰依
僧選勝從吾意捫危美客能生來幾量屐到此亦
何曾

送繼起和尚入天台

振錫西泠渡潮聲定後聞屐侵盤磴雪衣溼渡江
雲樹向雙崖合泉經一杖分石林精舍好猿鳥慰
離羣

蚤起

蚤涼成偶游惜爽憩南樓暮響鳥聲動茶烟花氣
浮衫輕人影健風細客心柔餘興閒支枕清光淺
夢收

五月尋山夜寒話雨

梅村集入

五言律詩

客衣輕百里長夏惜登臨正爾出門夜忽逢山雨
深聊將斗酒樂無作薄寒吟年少追涼好難爲父
母心

瑜芬有侍兒明慧從江上歸則言去矣

江上送君別餘情感侍兒對人先母意生小就儂
嬉恃穉偏頻進含嬌托未知今來羅帳底誰解笑
微窺

溪橋夜話

予偕子俶兄弟臨流比屋異戶同橋久雨

得月新浴乍涼輒書數語以識幽事

竹深斜見屋溪冷不分橋老樹連書幌孤村共酒

瓢茶香消積兩人影話良宵同入幽栖傳他年未

寂寥

感事

不事扶風椽難畊好時田老知三尺法官爲五銖

錢築土驚傳箭呼門避權船此身非少壯休息待

何年

兔缺

梅村集八

三五言律詩

舌在音何謾唇亡口半喏病同師伯鬱方問仲堪
醫露涿從人誚銜碑欲語遲納言親切地補闕是
良規

織女

軋軋鳴梭急盈盈涕淚微懸知新樣錦不理舊殘

機天漢期還待河梁事已非玉箱今夜滿我獨賦

無衣

贈蒼雪若鏡兩師見訪

孤雲所宿處清聲出層陰高座惟斯道扁舟亦此

心尋秋逢講樹到海發禪音月色霜天正吾師詩
思深

謝蒼雪贈葉染道衣

娑羅多寶葉煎水衲衣黃不染非真色拈來有妙
香足跌僧相滿手綻戒心長一笠支郎許安禪向
石傍

送李友梅還楚寄題其所居愛吾廬友梅慕

柴桑陶故詩以記之

寒雪滿潯陽江程入楚鄉灘逢黃鵠怒嶺界白雲

梅村集八

五言律詩
四

長十里魚蝦市千頭橘柚莊歸人貫村酒彷彿是

柴桑

黃州杜退之改號蛻斯其音近而義別索詩

爲贈

述志賦秋蟲孤吟御遠風掇皮忘我相換骨失衰
翁画以通靈妙詩因入悟空少陵更字說不肯效

韓公

王瓜

同摘誰能待離離早滿車弱藤牽碧蒂曲項戀黃

花客醉嘗應爽兒涼
枕易斜齊民編月令瓜瓞重
王家

豇豆

綠畦過驟雨細束小
虹蜺錦帶千條結銀刀一寸
齊貧家隨飯熟餉客
借饅題五色南山豆幾成桃
李谿

送照如禪師還吳門

秋氣肅羣慮衲衣還
故栖雲生孤杖迥月出萬山
低乞火青楓寺疏泉紫芋畦
石牀櫻拂子盡說是

梅村集八

五言律詩

曹溪

師姓
曹

初冬月夜過子俶

月色破林巒貧家共一灘
門開孤樹直影逼兩人
寒淪茗誇陽羨論詩到建安
亦知譚笑久良夜睡
應難

園居柬許九日

逆笋穿茶竈欹花罨釀房
曝書移画几敲筆響琴
牀晚食知眠懶輕衫便酒
狂翛然吾願足不肯負
滄浪

晚泊

寒鋤依岸直輕槩蕩潮斜樹脫餘殘葉風吹亂晚
鴉沙深留豕跡溪靜響魚乞火村醅至炊烟起
荻花

題心函上人方菴

頂相安單穩圓塵覆鉢銷誰知眠丈室不肯效團
焦石鼎支茶竈匡牀掛瘦瓢一枝方竹杖夜雨話
參寥

題做上人代笠

梅村集八

五言律詩
六

空山無住着就石架孤筇愛雪編茅整愁風剪箬
工樹陰休灌叟簑雨滴漁翁要自謀安隱吾師息
此中

過南屏訪無生上人

謂此一公住偶來聞午鐘山容叅雪嶠無生壁間
有雪嶠師
佛火隱雷峰路細因留竹雲深好護松精廬人

不到相對話南宗

簡武康姜明府

地僻誰聞政如君自不同放衙山色裏聽事水聲

中竹稅官橋市茶商客渚蓬前溪歌舞在父老習
遺風

其二

花發訟庭香松風夾道涼溪喧因紙貴邑靜爲蠶
忙魚鳥高人政烟霞仙吏裝知君趨召日取石壓
歸航

夜泊漢口

秋氣入鳴灘鉤簾對影看久游鄉語失獨客醉歌
難星淡漁吹火風高笛倚闌江南歸自近盡室寄

梅村集八

五言律詩
七

長安

曉粧

學母粧應早留花稱小圍爲憐新繡領故着舊時
衣性急梳難理衫深力易微素奩猶未斂祇道侍
兒非

送友人還楚

燈火照殘秋聞君事遠游客心分暮雨寒夢入江
樓酒盡孤峰出詩成衆鬻收一帆灘響急落日滿

黃州

送黃子羽之任四首

子羽能詩以徵辟爲新都令

襄陽

始見征途亂十年憂此方君還思
聖主何意策賢良楚蜀烽烟接
江山指顧長祇今龐德祖不復
卧襄陽

巫峽

高深積氣浮水石怒相求勝絕
頻宜顧奇情不易留蒼涼難久
立浩蕩復誰收詩思江天好春
雲滿益州

梅村集八

五言律詩八

成都

魚鳧開國險花月錦城香巨石
當門觀奇書刻渺茫江流人事
勝臺榭霸圖荒萬里滄浪客題
詩問艸堂

新都

丞相新都後如今復幾人
先皇重元老大禮自尊親舊俗
科條古前賢風尚醇似君真茂
宰白石水滌滌

讀史雜感

吳越黃星見園陵紫氣浮六師屯鵲尾雙闕表牛頭鎮靜資安石艱危仗武侯新開都護府宰相領

揚州

其二

莫定三分計先求五等封國中惟指馬關外盡從龍朝事歸諸將軍輸仰大農淮南數州地幕府但

歌鐘

其三

北寺讒成獄西園賄拜官上書休討賊進爵在迎

梅村集八

五言律詩九

鑿相國爭開第將軍罷築壇空餘蘇武節流涕向

長安

其四

御刀周奉叔應敕阮佃夫列戟當關怒高軒哄道呼監奴右衛率小吏執金吾匍匐車塵下腰開玉

鹿盧

其五

聞築新宮就君王擁麗華尚言虛內主廣欲選良家使者螭頭觚才人豹尾車可憐青塚月已照白

門花

其六

貴戚張公子
奄人王寶孫
入陪宣室宴
出典羽林屯
狗馬來西苑
俳優優待北
門不時中旨
召著籍並承恩

其七

漫說黃龍府
須愁朱雀桁
三軍朝坐甲
十客夜傳觴
王氣矜天塹
邊書棄御牀
江州陳戰艦
不肯下潯陽

其八

偏師過采石
突騎滿新林
已設牽羊禮
難爲刑馬心
孤軍摧韋粲
百戰死王琳
極目蕪城遠
滄江暮雨深

其九

稷棘千夫聚
臙衝百里通
白衣搖急樂
青艸伏疆弓
塢壁推巖虎
江湖屬管崇
丹陽故鄣郡
山越土人風

其十

越絕山河在，征人尚錦袍。
乘風竹箭利，狎浪水犀豪。
怪石千灘險，疑城百里高。
臨江諸將帥，委甲甬東逃。

贈徐子能

如子聲名早，相聞盡故人。
懶余交太晚，知我話偏真。
道在應非病，詩成自不貧。
休教嗟拊髀，纔得保

沉淪

子能病塞

其二

未卜林塘隱，還將野興消。
鶴聲常入市，樹勢欲侵

梅村集八

五言律詩十一

橋老病人扶，拜狂吟客見。
招知從甫里，近白首共逍遙。

初春同王惟夏郁計登夜坐竒懷室

長日誰教睡，夜深還擁書。
一燈殘酒在，斜月暗牕虛。
官退才須減，名高懶不除。
梅花侵曉發，蚤得伴閒居。

新霽喜孫令修至同步後園探梅

偶來因客興，信步得吾園。
雨足山低樹，花開日滿軒。
掃林休石磴，剝藥遇泉源。
絕壑人聲至，驚栖聽

身喧

王子彥

王以孝廉不仕後
因事避吏將入都

失意獨焉往自憐歸計非無家忘別苦多難愛書
稀白首投知己青山負布衣秋風秣陵道惆悵素
心違

遇舊友

已過纔追問相看是故人亂離何處見消息苦難
真拭眼驚魂定銜杯笑語頻移家就吾住白首兩
遺民

梅村集八

五言律詩
十一

偶值

偶值翻成訝如君不易尋出門因酒癖謝客爲書
淫久坐傾愁抱高譚遇賞心明朝風日暇餘興約
登臨

座主李太虛師從燕都間道北歸尋以南昌

兵變避亂廣陵賦呈八首

風雪間關路江山故國天還家蘇武節浮海管寧
船妻子驚還在交朋淚泫然兩京消息斷離別蚤

經年

其二

白鹿藏書洞青牛采藥翁
買山從五老避世棄三公
舊德高詞苑長編續史通
十年金馬夢回首暮雲中

其三

愛酒陶元亮能詩宗少文
桃花忘世事明月望湘君
山靜聞鼙鼓江空見陣雲
不知時漢晉誰起灌將軍

其四

梅村集八

五言律詩
十三

浩劫知難問秋風天地哀
神宮一柱火仙竈五丁雷
劍去龍沙改鐘鳴鼙鼓來
可憐新戰骨落日獨登臺

其五

彭蠡初無雁潯陽近有書
干戈愁未定骨肉苦離居
江渚宵傳柝山城里出車
終難致李白臥病在匡廬

其六

世路長爲客家園况若兵
酒偏今夜醒新仿笛豈

去年聲一病餘孤枕千山送獨行馬當風正緊
披
柁下溢城

其七

莫問投何處輕帆且別家漫栽彭澤柳好種廣陵
瓜飲興愁來減詩懷老自誇南徐山色近題語報
侯芭

其八

海內論知已天涯復幾人關山思會面戎馬涕沾
巾賓客侯嬴老諸生原憲貧相看同失路握手話

梅村集八

五言律詩
十四

艱辛

歲暮送穆大苑先往桐廬

客中貪過歲又上富春船燭影欹寒枕江聲聽夜
眠石高孤岸迥雪重半帆偏明日停橈處山城落
木天

其二

卧病纔回棹征軺此再游亂山穿鳥道匹馬向嚴
州遠水浮沙嶼高楓入郡樓知君風雨夜落葉起
鄉愁

其三

到日欣逢節招尋有故人官廚消絳蠟客舍煖烏
薪鎖印槐廳靜頒春柏酒新翩翩杜書記瀟灑得
閒身

其四

知爾貪乘興衝寒蠟屐忙鶴翻松磴雪猿守栗林
霜官醞移山榼仙碁響石房巖光如可作故態客
星狂

曉發

梅村集八

五言律詩
十五

曉發桐廬縣蒼山插霧中江村荒店月野戍凍旗
風衣爲裝綿暖顏因被酒紅日高騎馬滑愁殺白
頭翁

客路

客路驚心裏棲遲苦未能龍移對江塔雷出定龕
僧

武林
近事

林黑人譚虎臺荒吏按鷹清波門外宿潮

落過西興

贈劉虛受

中歲交朋盡新知得此翁道因山水合詩向病愁

工悟物談功進亡情耳識空重真長今第一兄弟

擅宗風

其二

識面已頭白論心惟艸玄孝標三世史摩詰一門
禪獨宿高齋晚微吟細雨天把君詩在手相慕十
年前

苦雨

亂烟孤望裏雨色到諸峰野漲餘寒樹江昏失暝
鐘夜深溪碓近人語釣船逢愁聽惟支枕艱難媿

梅村集八

五言律詩
十一

老農

海溢

積氣知難極驚濤天地奔龍魚居廢縣人鬼語荒
村異國帆檣落新沙島嶼存橫流如可救滄海漢

東門

閬園詩 并序

閬園者李太虛先生所創別墅也廣厦層

軒迴廊曲榭門外有修陂百頃堂前列灌

木千章采文石於西山導清流於南浦綠

葉被沼紫柰當牕芳枳樹籬修藤作架白
鶴文鵬飛翮廣囿駕鸞黃鵠游詠清池豈
止都蔗爲鄉素馨成幄已哉况經傳惠遠
厨藏金粟之儀山近麻姑壇擬玉臺之觀
果名羅漢花號佛柔紺室聞鐘丹泉洗藥
茲爲靈境夫豈塵區而吾師偃仰茂林從
容長薄千里致程鄉之酒十年探禹穴之
書叔夜銅鎗可容一斗茂先寶劍足值千
金焚香而明月滿簾鬪茗而清風入座張

梅村集八

五言律詩
十七

華燈而度曲指孤嶼以題詩若將終焉洵
可樂也不謂平原鹿走一柱蛟飛始也子
魚已下虞翻之說旣而孝頃遽來周廸之
軍浪激亭湖兵焚樵舍馬矢積桓伊之墓
鼓聲震徐孺之臺將仙人之藥臼車箱俱
移天上豈帝子之珠簾画棟尚出人間雲
卿棄藥圃而不歸少陵辭灑谿而又往放
舟采石浪跡雷塘愛子則痛甚元規故園
則情同王粲望匡山而不見指章水以爲

言嘿嘿依人傷心而已於是稽生授簡趙
子抽毫重邀大別之雲再續小園之賦庶
幾峰連北固不異香爐潮上邗溝居然溢
口心乎慰矣歎也何如偉業幸遇龍門曾
隨兔苑自灌園於海畔將負笈於山中顧
茲三逕之荒已近十年之別願依杖屨共
肆登臨弟子昇陶令之輿興思彭澤故吏
逐謝公之屐寄念東山爰托五言因成十
律華林園追陪之宴而今渺然浣花潭話
舊之遊於茲在矣

梅村集八

五言律詩
十八

先生家住處門泊九江船彭蠡春來水匡廬雨後
天芰荷香石浦秔稻熟湖田獨坐憑闌久虛堂且
晏眠

其二

有客扶藜過空山猿鳥知苔侵蘿逕屐松覆石牀
碁楚米炊菰早吳羹斫鱸遲柴門相送罷重定牡
丹期

其三

性僻耽書畫，蹉跎遍兩京。提攜詩卷重，笑傲客囊輕。
小閣尊彝古，高人池館清。平生無長物，端不負虛名。

其四

興極歌還哭，狂來醉復醒。牀頭傾小榼，壁後臥長瓶。
月出呼漁艇，花開置幔亭。門前流水惡，數點暮

山青

其五

絕壑非人境，丹砂廢井留。移家依鶴峯，穿水遇龍

梅村集八

五言律詩
十九

湫白石心長在，黃金藥可求。何時棄妻子，還伴葛

洪游

其六

我愛東林好，還家學戴顓。經臺憑怪石，塵尾折青
松。書卷維摩論，溪山曹洞宗。欲修居士服，持偈問

黃龍

其七

倦策登臨減，名山坐臥圖。避人來栗里，投老乞菱
湖。舊業存榆柳，新齋待竹梧。亂離知又至，安穩故

園無

其八

陶令休官去迎門笑語忙那知三逕菊却怕九秋
霜十具牛誰種子頭橋未荒可憐思愛子付托在
滄浪

其九

青史吾徒事先朝忝從臣十年搜典冊萬卷鎖
松筠好友須分局奇書肯借人劫灰心力盡牢落
感風塵

梅村集八

五言律詩
二十

其十

早買淮陰棹仍登江上樓曉來看北固何處似南
州王謝池臺盡齊梁寢樹秋天涯憂國淚豈爲故
鄉流

課女

漸長憐渠易將衰覺子難晚來燈下立攜就月中
看弱喜從師慧貧疑失母寒亦知談往事生日在
長安

嘉湖訪同年霍魯齋觀察

官舍鶯聲裏旌旗拂柳堤湖開山勢斷塔迥樹痕
齊世路催青鬢春風到紫泥還看鮑司隸驄馬灞
橋西

其二

蹤跡知何處溪山興不孤閒亭供鳥雀仙吏得尊
鱸紅荔涪江樹青楓笠澤圖須教趙承旨烟雨補
南湖

其三

門外銀塘滿鷗飛入晚衙公田若下酒鄉夢杜陵

梅村集八

五言律詩
二十一

花水碓筒輸紙溪船簍貢茶看雲堪拄笏幕客莫
思家

其四

羽蓋菰城道春風行部勞長公山郡簡小杜水嬉
豪簫鼓催征騎琴書壓函牘獨憐憔悴客剪燭話
同袍

贈郡守李秀州隆吉

偶值溪山勝相逢太守賢邀人看水閣載酒上菱
船鶴料居官俸魚租讎客錢今朝風日好春草五

湖烟

野望

京江流自急客思竟何依白骨新開壘青山幾合
圍危樓帆雨過孤塔陣雲歸日暮悲笳起寒鴉漠
漠飛

其二

衰病重聞亂憂危往事空殘村秋水外新鬼月明
中樹出千帆霧江橫一笛風誰將數年淚高處哭
塗窮

梅村集八

五言律詩
二十二

送張學博孺高之官江北

薄宦非傷郡孤舟幾日程詩傳沛子弟禮問魯諸
生水冽官厨釀城荒射圃耕北來車馬道猶喜簡
逢迎

冬霽

烟盡生寒日山雲不入城船移隔縣雪屋遶半江
晴照眼庭花動開顏社酒清渚田飛雁下近喜有
人耕

松化石

金陵任白
受所藏

高士無凡好常思買一峰如何三徑石却本六朝
松老筆應難画名山不易逢穀城相遇處肯復受
秦封

世賦嘲張南垣老遇雛妓

莫笑韋郎老還堪弄玉簫醉來惟捫腹興極在垂
髻白石供高枕青樽出細腰可憐風雨夜折取最
長條

書臺破山興福寺僧鶴如五十

聽法穿雲過傳經泛海來花深山徑遠石破講堂

梅村集八

五言律詩
二十二

開潭出高人影泉流古佛苔長留千秋鶴聲繞讀
書臺

園居

傷城管小築近水挿疎籬岸曲花藏釣牕高鶴聽
碁移床穿磴遠喚茗隔溪運自領幽居趣無人到
此知

